

邵陽縣鄉土志

卷四

72665

7270.143

199

3p204



邵陽縣鄉土志卷四

水道

宋蔡伯靖有言山本同末異水本異末同可謂片語扼要邵陽之水下流皆入大江近處率歸資水必合古今而衷於是方可昭示來許水道第八

縣境諸水總述

縣居洞庭上游實古瀟水所經另有說詳下水歷縣境者資

為大自縣出者邵為著凡西北諸水率自達於資有

不自縣境別達於資者曰巽江即西洋江曰雲溪其不入

邵陽縣鄉土志

卷四

地理

水道

一

資而達於漵西北入於沅者曰大沙江曰進馬江凡東南諸水率由邵以達於資或自達於資其不入資南入於湘者曰蒸水曰漣水今各履勘詳考列後

資水經行大畧

資水二源一南源遠自廣西興安縣經新甯縣來一北源自城步縣境經武岡州來二源相會武岡州境大羅江初入縣西隆回五都境曰銅盆江有辰溪口自此東南十五里曰紫陽河又十里至桃花坪寶慶通判署在此又九里過伏龍江又東南十一里至時香

塘又東北十五里至八仙巖又九里至武邵江有市
又十九里至普口溪又東南十九里曰大羅江卽二
源會處又北十里至梅州又西北九里至小溪寺又
八里曰川門又北九里至孔雀灘孔雀灘險甚又東
北四里至拋江渡又東六里過黃田水口又東北七
里爲野雞潭又十四里至瓦窰坪又東北九里爲神
灘渡又東六里至狀元洲又東逕縣城北凡五里至
南江觜邵水自東來入資水自縣城南江觜後又東
北六里爲獅子潭又十里過漁溪又西十里至釀溪
邵陽縣鄉土志

卷四

地理

水道

二

有釀溪市又西南十里至烏塘又北折西九里過高
平水口又西北六里至右溪灣又三里過唐溪又西
北五里至小廟頭又五里抵銅柱灘灘極險昔人嘗
立銅柱於此以挽行舟灘亦曰茱萸資水又西北五
里曰清溪灘險亦如之又東北六里曰蓮子灣蓮當
作鎌
又西北六里有龍溪口又八里至三門灘始出邵陽
入新化縣境資水自縣西境銅盆江至三門灘共行
二百八十三里餘詳下

邵水經行大畧

州郡縣以陰陽名者必因山水邵陽爲縣自以在邵水北名山南曰陽水北曰陽考諸舊志均載漢昭陵晉邵陵皆

卽今縣治處漢昭陽晉邵陽皆在今東鄉安上都兩

頭塘市處宋齊梁陳並同知邵陽舊治所在卽知邵

水正源所在今兩頭塘市南之水獨有方志所謂桐

江下距槎江數里下距龍山邵水更二十餘里桐江

較槎江水龍山水特長是邵陽舊治邵水惟桐江足

以名之槎江水龍山水蓋昔時邵水中流別派也檀

又在下流距入資水不遠近世諸志以龍山水爲邵水源此因縣

邵陽縣鄉土志

卷四

地理

水道

三

境之山龍山爲大又自隋唐以後邵陽移治資水側

當邵流盡處上源易紊今不必泥嘉慶縣志頗謂邵有二源南源發自

開化北源發自龍山但未知南源爲桐江其水出自梅塘都耳開化都係槎江水非是水道提綱就今邵

水地望更合檀江水言之亦誤

邵水正源遠源在今桐江江出今東鄉梅塘都蔣家衝

上之雙鳳亭石巖當衡嶽幹脈之旁西北流八里楊

家水自楊家衝北流八里來入又西北三里至穀皮

上洞又西北四里至穀皮中洞有劉家楊家紙鋪三

巖水來入縣志謂桐江水出三巖誤蔣家衝至中洞已十五里不必疑非正源兼在蔣家衝泉

井眾多已成小港衝內四時水田若中洞則冬時多乾遠不能及此亦可證自此又西北

三里至下洞又北六里至船形水口又東北三里至

三都鋪志作三洲又北十五里至龍公橋又十里至棠下

橋又八里至周家橋又十里至周下橋又四里至余

家橋又西九里至和尚橋橋之北數里漢昭陽晉邵

陽縣治在焉自此五里槎江自開化都大巖頭來入

今其地曰雙江口有曹家壩壩以下小舟往來如織

又西十四里至劉家橋又六里至白嶺寨處雙江口

龍山邵水自龍山來會或以此雙江口始通小舟誤自此又西南

邵陽縣鄉土志 卷四 地理 水道 四

二十餘里合大和冷坑二水又二十餘里至高橋口

又西十四里至高江橋又三里其地亦曰雙江口檀

江自南鄉界四望山麓來會邵水自此又西北十三

里抵縣城外東郭橋南江觜注於資水邵水原委共

長一百九十餘里餘詳下

附錄炳奎湖北經心書院輿地學課程資水即古瀟水說

湖南大水四第一沅長二千三百餘里第二湘長二千餘里第三資長二千里或云一千九百里一千七

百里第四澧長一千一百餘里載籍所稱曰沅澧曰瀟湘今沅澧與湘為湖南巨川昭昭具在獨瀟水無

聞或以瀟湘為一水或以營水濂水當之均屬未安二水各僅二百餘里不知沅澧二水相近在北瀟湘

二水相近在南古人沅澧並稱瀟湘並稱自是按切地段立言不苟所謂瀟水即與湘水同源出廣西之資水也湘水出興安縣海陽山資水出興安縣金紫山此係最遠南源北源則出武岡州西城步縣湘水資水發源處相距最近下流長短亦畧相等此事以鄉人談鄉地較確一則方氏禹貢水道考異言之則道光時所修寶慶府志尤晰合觀互勘資水之即古瀟水不難渙然豁然今節錄原文於下考異云山海經沅澧之風交瀟湘之浦以瀟與沅澧湘並列則瀟必甚大水經注於湘水至黃陵廟下云瀟者水清深也似合瀟湘為一水夫使瀟湘果為一水山經何以並列為四永州諸志以九嶷之營水道州之瀨水為瀟皆以瀟為湘之異源是祖酈意失之者資水發源廣西全州界一名夫夷水至益陽湘陰界入洞庭源流二千里與沅澧湘勢均方敵細讀水經注瀟者水清深句不係於湘上流而係於黃陵廟下黃陵正當資水會湘乃知所謂瀟者實指資水此巴陵方氏堃沿湖遊歷而知資水即瀟水也寶慶志卷七十九

邵陽縣鄉土志

卷四

地理

水道

五

云夫夷水出廣西桂林府興安縣金紫山即水經注少延山自全州大埠頭以南土人皆謂之西延西延即少延轉音東北流十里至蕭地名蕭溪疑是古瀟水按山海經每以瀟與沅湘並稱而無資水至漢書地理志有資而無瀟水經因之蓋夫夷水者乃古瀟水其源長於城步之資水漢時西延地為蠻人所據尋源者不知尋夫夷之少延而尋都梁路山不復知瀟水所在矣後世求瀟水不得柳子厚以營道營水為瀟水不知湖南水如營者十數計何得與湘沅並列又與沅澧之風交瀟湘之浦皆在洞庭不合以上並府志語此又道光寶慶志循實踏勘而知夫夷上源本名蕭溪其源遠流長余並於寓新甯時熟聞而稔知者也資水源在武岡州境州城上即淺狹不通舟新甯自縣城至廣西大埠頭舟皆通行大埠頭至發源猶百二十里故資水二源武岡短而新甯長考古籍明地望區巨細釋羣疑瀟水自以即今資水為據可

資水自隆回五都辰溪口至縣城經行之處

資水西自武岡州來初入縣隆回五都境經芙蓉山南

曰銅盆江銅盆雙江口者即辰溪口也辰溪出隆回

三都五峯砦自東北來注詳後土人謂出栗子坳自

此東南十里曰貓兒巖又西南二里至陳家壩又西

南三里至紫陽河渡渡舊有紫陽司又東一里至湖

橋塘龍江出武岡社公山又東三里至鷓鴣壩又東

四里至黃口灘又東南二里至桃花坪桃花坪有寶

慶通判署通判自道光十二年移此又東南二里至

邵陽縣鄉土志

卷四

地理

水道

六

對河山牛江出武岡大朝又東南七里至老鴉灣伏

龍江出北隆回七都將軍石自北來注詳後資水又

入里至馬廠洲自貓兒巖至此又東南三里至時香

塘又東北十四里右合王家水水經王家又北一里

至八仙巖巖上八石類人形故名又北五里石塘水

自北來入石塘水出永豐二都石塘行七里合湖水

稍旱輒有水噴出可半里許聲如雷鳴或頓足巖上

止又東四里曰武邵江又東南三里至道觀山爬船

水自斜嶺來入爬一作划水出永豐二都斜又東北

嶺合塘山水浪木田諸水

四里至青草渡。又東南十一里至普口溪。灣溪亦自

斜嶺屈曲來入。

灣溪出永成一都斜嶺合大屋衝水新塘水新塘水自橋頭歷大田村簡

宅凡逆向西行二十餘里

又東南十九里曰大羅江。即南北兩源

會處。

舊稱南源水曰夫夷水口

資水自此。又北三里至石山。又東

北四里至溪口渡。又北三里至梅洲。

道光府志以此為漢夫夷侯處

又西北六里入永成一都。又三里至小溪寺。又東一

里為花蛇潭。有五色水。一綫縈繞。如花蛇出沒。又三

里至拖洲。山伏水自趙江溪來入。

水合牌村乾村鴻雁嶺龍泉諸水

又一里至水心廟。雷公水自分水坳來入。

水合楊柳水

邵陽縣鄉土志

卷四

地理

水道

七

三里至川門楓江溪。又北一里至謝家渡。又北三里

至楊柳灘。又北二里至連雲間。亦作連升江。江內長

石橫互。不下十餘。水聲濺沸。行舟甚難。又東北三里

至孔雀灘。行永成一都三都界。孔雀灘為自大羅江

以下第一險處。資水又東北二里至落井坑。又東北

二里至拋江渡。金溪自新甯三都鷺鷥塘來入。

溪合洞衝

水篩衝水永成一都大衝水新甯二都廣福水約長四十餘里篩衝水合田橋梅衝麥蘭諸水逆流十四

里。又東三里至三味塘。又東三里至黃田渡。黃田水

自武岡大陂團鸞山來注。詳後。又東三里至石溪口。

石溪水出永城二都井底合潘家邊水又東北一里至普口渡又東北

三里至野雞潭一作潭壁有石類雉形又東北四里

至唐洪坪又東北七里至河上橋左合木三溪溪出譚井

亭合楓林鋪又東三里至瓦窰坪右合禹溪禹溪出永成三

都石膏嶺合二廂翁家山水又東二里至獨石灘又東北一里至

七里塘又西北二里至桂花渡又西北二里至白田

渡又北二里至神灘渡相傳舊有鐵船往來又漁人

嘗於渡旁得盃長尺五寸重十觔渡西岸有頭巾石

狀如頭巾中空可張五六筵濱河復有天窗又東三

邵陽縣鄉土志 卷四 地理 水道 八

里至新甯上一都流水口水出卿李塘來入右合南江村水

塘有三又東三里至狀元洲又東逕縣城北凡五里

至南江嘴邵水自城東來入詳後資水自辰溪口至此約一百九十三

里水道提綱資水自東入邵陽北境流數十里有五十三灘既合邵水又有四十八灘

資水自縣城至三門灘經行之處

資水自南江嘴東北二里至雙清亭是為行新甯上一

都西平一都界雙清亭據砥柱磯上形勝冠縣治近

處自此西北二里至七里潭又北二里至獅子潭又

東北一里至楓江溪楓江自下馬石來入水自下馬石東北流

六里至苦楸山又五里至匡家嶺又東五里注資。資水又東北三里至沃洲

灘曰石人江洋溪自龍鳳巖來入資水在此江心有

石長丈餘廣八尺五色燦爛號曰印石。洋溪出龍鳳巖後合一小

溪及棉花段塘棠衝宣家諸水過洋溪橋注資。又西北二里至貓兒潭又西

北四里至漁溪水口漁溪自界頭西南來入詳後資

水又西北五里至沙灣又西五里至釀溪市釀溪自

西平二都通天巖來入。釀溪出通天巖後南流六里至洋湖灘又西南半里合藝

溪藝溪出分水坳合小源崗煙竹巖塘諸水巖塘水出公公嶺又合鐵象巖大巖洋塘諸水既合後再合

濠塘水東源水注資又西南六里至長灘村又西北三里至九

邵陽縣鄉土志 卷四 地理 水道 九

頭巖又一里許至烏塘有長衝水來入。出長衝鋪又北四

里至老虎潭又西五里至牛灣塘。土人呼牛軋塘高平水自

西北撻烏坳來入詳後資水又西北六里至右溪灣

又西一里折而東北又一里唐溪自螺絲洞南流來

入。螺絲洞與上漁溪界頭坳釀溪通天巖均西平二都唐溪歷滴水巖白水洞迴瀾橋湯沸水高橋市

龍潭水張家橋新塘水及泌水橋曲折注資資水又西北二里右合栗江

栗。一作歷水出栗江衝合沙邊水又三里至小廟頭左合大泥水出

新甯上一坑。又西北五里至銅柱灘左合乾溪水。水出新甯

上一都乾溪坑資水在銅柱灘兩山夾峙溪水湍急。舊志作乾雞誤

勢如建瓴。行舟多碎。惟遇水漲。舟行稍平。資水中第一險灘也。灘亦名茱萸。又西北五里。至清溪灘。右合青石水。水出板子山。清溪灘水亦湍急。遇水漲時。水濺崖上。雷轉空山。其險不減銅柱。自此又東北六里。曰鑱子灣。舊作蓮子。又西北六里。至龍溪口。即龍溪口。又西北八里。至三門灘。入新化小灘村境。再三十九里。出茱萸門。抵拖接灘。亦曰鏡灘。水道於是始平。資水自縣城至新化。拖接灘。凡一百二十七里。至出縣境。三門灘。則入十八里。

邵水自遠源正源至會龍山水經行之處

邵陽縣鄉土志

卷四

地理

水道

十

邵水發自衡嶽幹脈之旁。在今梅塘都雙鳳亭側。東距蒸水

發源邪薑山。僅隔分水匡泥二坳。

初西北流入里。楊家水自楊家衝

北流入焉。又西北七里。至穀皮中洞。劉家楊家紙鋪

三巖水入焉。水源於是始盛。三巖距各咫尺。泉水會

流。向西北注。甚旱不竭。巖上峭壁四立。天值陰雨。觸

石成雲。連日不散。水自此北行五里。船形水自仁風

都船形山流九里來入。由茲出梅塘入中鄉三都。又

北三里。至三都鋪。鄧家水自鄧家衝流五里來入。又

北四里。黑石水自黑石山流十一里來入。又屈曲十

五里舊志作一里誤至龍宮橋入萬安都又北五里張古水

出張古衝流五里來入又北四里橫衝水右自橫衝

流六里來入又北三里至棠下橋分溪水右自分水

坳合大茅水火厰水流十八里來入自此漸

折而西直抵縣城所謂邵水逆流逾百餘里異於他

處人所豔稱者也土語謂邵水逆流八十里此但就人行陸路言之非水道實數不必

泥府志以棠下橋至下自此八里曰周家橋舊志又

四里至西門田又三里井邊水右自井邊尹家流十

三里來入又四里至周家橋木梁水右自木梁衝合

邵陽縣鄉土志 卷四 地理 水道 十一

劉上坪水流八里來入又二里至胡家壩又一里入

安上都聶家水左自聶家衝流十八里來入又一里

至余家橋譚家水右自譚家衝合南橋水無租水兔

子水流三十一里來入水面於是漸闊南橋水行六

朱家水相打水行十餘里兔子水出香爐余家橋後

四里至蕭家橋又五里至和尚橋橋北數里有故昭

陽邵陽縣治又西五里至雙江口槎江自開化都流

行來會水勢於是始大溯自源出蔣家衝至此已行

九十一里自此又西十三里至劉家橋童家衝水右

自三溪三都合馬蝗舊作王獨塘龍平南木橋頭諸水

來入南木水出南木嶺又六里至白嶺寨處雙江口

龍山邵水自嶽平頂下西南流來會水勢於是益大

自源至此共行百一十里

槎江水出南鄉開化都大巖頭當九龍七日二嶺之

西大巖頭石山為嶽幹經行之處并大而深舊志以為出小巖頭小巖頭距大巖頭不及一里水源甚

小非槎江正源也舊志初西北流五里至傅家衝傅

誤左合楊塘水水出楊木塘又北二里至青山江又

北三里至杉木橋又東七里至橫板橋舊志十里誤左合

邵陽縣鄉土志 卷四 地理 水道 三

譜田水又東北三里至水口橋水口橋以上有老爐

又東北四里至水口山右合地田水地田縣志作雉田水出古塘嶺

合牌頭水鍾奇井水流十又北三里至葉家橋水面

漸闊上有雷旗墳井水最大府志葉家橋上又北二里至曾家坳誤又北一里至倚

石廟左合大和水水出大和又北二里至嚴家橋又

北六里入富陽二都至里龍橋府志不誤縣志作黑龍誤自此三

里至軍田裏右合龍孔水水出龍孔廟經砦又北三

里至唐家橋又北三里至梅塘都丁家橋右合雙鳳

水水出雙鳳嶺府志謂初流三里而伏又北五里復出蕭家坪又十五里至阜塘鋪又三里至仙槎橋

來入又北三里至仙槎橋右合乾衝大井水自里龍橋

至仙槎橋十二里府志又有北二里至巒山語誤又北七里至青山

橋梅塘都地舊志又東北八里至瓦廠橋為新甯四

都境舊作安阜塘水來入縣志謂水出阜塘鋪合楊家衝銀杏樹蝦蟆山紙馬

衝蘇家衝諸水府志但作又北四里至雙江口此處

即今所謂曹家壩是槎江自源至此共行六十七里

龍山邵水出三溪三都嶽平頂側嶽平頂左右各有

泉一泉水分流右為漣水之源左即近世志所稱邵

水之源嶽平頂庵內亦有一井此初八里流至野豬

邵陽縣鄉土志卷四 地理 水道 圭

坑又二里流至莫家衝右合齋塘衝小水再十里流

至馬家嶺左合馬家水馬家水自寶塔坪譚家嶺來入又五里至老

龍潭又五里至泰芝廟田蕩左合牛頭水水出牛頭嶺歷雞公

潭來入雞公潭至泰芝廟田蕩一里案道光府志

謂邵水出龍山西流六里至齋塘衝又西南八里右

會分水坳水又南一里左合竹山水又南三里左合

馬家水又南八里左合棗園水此以邵水為出齋塘

衝上者也光緒元年縣志謂邵水源二右源出齋塘衝合茅岡蕩水龍潭水竹山水馬家衝水匯老龍潭

而合下白石巖水匯雞公潭亦二十餘里會右源此以

一源出齋塘衝一源出牛頭嶺者也縣志右源所合

龍潭水出大龍潭所受茅岡蕩水即府志分水坳水

所謂牛頭嶺水即府志棗園水餘同考近世所指邵

水既謂出自龍山龍山以嶽平頂為主峯邵水自以

出嶽平峯爲正源。今嶽平峯側兩泉左泉爲漣水源。其下先有小漣河之稱。右泉十里至莫家衝。齋塘衝水方自右來。其水未從嶽平峯井泉出。安得舍嶽平正峯。搜及旁源。此以齋塘衝水爲邵水之源。不可不更正者。牛頭水出牛頭嶺。嶺距嶽平峯二十里。雖龍山來脈所經。實當未起嶽平峯之先。其水雖與齋塘衝水長短畧等。豈有欲求邵水正源。不考嶽平主峯。反索諸未起主峯之前。情事殊多未合。此以牛頭水爲邵水左源。不可涉於依違者。總之龍山氣體博厚。盤互甚廣。諸水並發。就其近者長者。指爲別源。原無不可。若以正源言之。舍嶽平峯側常湧之泉。終非定論。自此折西五里。左合扶

村水。水出錫茅嶺。合小白水流。二里。又西二里。至龍子石。又西二里。至三種樹。右合燦溪水。水出楊奇石。龍

山邵水。自此入三溪一都。又西五里。至會仙橋。右合邵陽縣鄉土志 卷四 地理 水道 古

龍山正衝水。水出青山界左側。經老龍潭。車鹿塘。合大團年小團年二水流。二十餘里來入。正衝別有老龍潭。與秦芝廟上老龍潭異。大團年水出分水坳。小團年水出栗山界。二水相會。鶯哥嘴出

塹門口。經段家衝。筆架劉家。合正衝水。筆架一作陂底。團年一作台泥。又西南八里。至雙江橋。左合冰糖水。水出冰糖界。又西南二里。至黃

家橋之下。右合界江水。水出界江坳。合李山衝。東茅十八里。自此又西南三里。至豐亨橋。又西南三里。右

合天台水。水出天台山。又南三里。曰洪橋。洪橋驛爲自縣晉省孔道。自此益南二里。入安上都富陽一都

界。又南一里。右會井衝水。水出井衝流。其地曰西洋

江水田腴美。大旱不災。又南六里。至黃姓橋。橋為明季龔御史守忠建。又南三里。至玉屏山側。自此入新甯四都富陽一都界。益南二里。抵雙江口。與邵水來自開化都正源遠源會。龍山邵水自源至此共行七十七里。

邵水自槎江水龍山水既會以後。初西南行三里。至灣泥渡。又西南三里。至梁家渡。自此大曲而南而北。復折而西。初四里。至峽口塘。六里。至封家渡。又六里。至向家渡。又五里。至張家渡。大和水合侯家塘。黑木洞水流十二里來入。大和水出新甯四都大和山侯家塘亦出姚家拗黑木洞水出狗腸

邵陽縣鄉土志

卷四

地理

水道

五

衝諸處 又一里。至鼈頭潭。魏家洲處。冷坑水自官橋鋪

來入。冷坑水出富陽二都蘿蔔嶺側冷坑水坑志亦曰官橋水北流歷留里衝住馬橋官橋鋪經新甯

四都境凡十九里注邵 又四里。至樂石塘。舊有高大石山出佳石今以燒灰殆盡

又三里。至抬頭巖渡。又五里。至得仙渡。邵水自灣泥

渡至此。大曲三十餘里。道光府志但作一里。誤近志里數亦欠晰 又西二

里。至江口潭渡。牛車水歷圓通庵。合并邊鋪水來入。

牛車水舊作牛廠水出長木衝上牛車坪。經戴家橋圓通庵。合并邊鋪水流二十餘里注邵。圓通舊誤元

統。又二里。至興渡口。占穀水左自占穀衝諸處來入。

占穀水出占穀衝清水塘。歷匡家谷家潘家諸衝。沈家橋賀姓水口山王家壩王姓橋頭田家邊注邵。田

家邊亦作田江邊。余家水右自余家衝諸處來入。余家水一出巖塘坳

西井塘衝一出白馬坳西高塘口。歷余家衝王家壩張家台由陳衝洲注邵。陳衝洲昔志作沈巖洲。又

西二里至渡頭橋為古甘棠渡所。又四里至白鶴潭。

一作塘又一里至高橋口。高規水左自高規衝諸處流

二十五里來入。高規水出箭桿山巖泉廟側流二里而伏。又至鷺翅嶺竹筒巖復出。下歷

高規衝牌樓衝望東橋朱家衝注邵。舊志謂初分流五六里復合實大不然。自此又西四

里至馬埠口。又西少北二里至長嶺觀麓樟樹灣。又

西六里至高江橋亦曰迴龍橋。舊志謂自高橋口至高江橋但三里誤。

又西三里至雙江口入一廂境。檀江水左自南鄉檀

邵陽縣鄉土志 卷四 地理 水道 六

江橋諸處來入。檀江詳下。又西轉北六里過東湖寺

前。又北一里至港子口。繆家水右自繆家衝諸處來

入。繆家水舊作三塘水。初出雀塘鋪後繆家衝有泉湧出。流入里至田莊。又二里合三塘衝水。繆家水

長於三塘衝水六里。自此五里至短陂橋。又西南七里入富陽二都。又五里合田家衝水。又西南三里入

一廂境。又西五里至白馬田來注。短陂橋後凡歷謝家壩大塘口。宋家橋。鄧家壩。財神橋。肥田橋。石橋。鋪

諸處。自此又北三里至相公潭。陶家水右自陶家衝流

三里來入。又一里至府立中學堂處。祭旗水左自祭

旗坡流五里來入。邵水自此。又北一里至東關橋。即龍橋。即古

躍龍橋。又北半里至南江嘴。注於資水。邵水自白嶺寨處雙

江口至此行七十九里自正源蔣家衝上雙鳳亭至此總計一百九十餘里

邵水下流檀江來會經行之處

檀江自源至會邵水長約一百三十八里始出二源

西源出永州府東安縣四望山之麓東源出縣境尚

賢都之三角嶺出東安四望山麓者地當上花橋因

稱花橋水初東北流二十五里至祖師殿右合騰雲

水水出四望山之騰雲嶺其處有四明寺計流二十里來入騰雲舊志作屯雲又北二里

至余家橋入縣南境尚賢都北流三里至新田橋今

曰雙營右合高霞水水出高霞山前天神廟下抱高霞山流約七八里由鐵鎖橋之

邵陽縣鄉土志

卷四

地理

水道

七

上入於檀江其下即新田橋案舊志稱高霞山後枕四明前襟霞水檢府縣志述檀江西源於至新田橋處均載合七里水並無霞水之名今證以目睹詢之士人始知由鐵鎖橋入檀江者實出高霞山前繁繞高霞山麓而至霞水自昭昭具在又西北三里至六里橋舊作六嶺誤橋左為

景霞山建有允升學堂又北三里至青山灣又北三里至上板

橋左合太公水水出太公山舊作大公誤太公水合陳萬一村陳保衝古桑水東安大水

塘諸水流二又北四里至下板橋七星關左合八角

水水出入角塘合唐詩陂水流七又北八里右合黃

瓜水水出黃瓜坪又西北八里至大田橋又西北四

里至水東壩又東北一里入溫都和又東北五里至

黃土壩。又東北三里。至禮庵裏。又東北七里。至下花

橋。又東北六里。至教書塘。又東北二里。至雙江口。與

東源會。西源自四望山麓。至此行八十七里。東源出三角嶺東北山西

北流三里。至小眉山南。又西北十里。至壩頭江。舊作八

甚。岡誤。又北十里。至東山田蕩。右合石板水。水出周塘。流五里來。

注。又北五里。右合四葉水。水出開化都四葉塘。合洪廟水。巖門前水流二十三里來。

注。又北二里。至宋家橋。舊作野豬橋。此在上者。又北八里。至

五里壩。又北三里。與西源會。東源自發處至此。計行四十一里。兩源

合後。初北行一里。曰又江橋。又北一里。曰下又江橋。

邵陽縣鄉土志

卷四

地理

水道

六

右合譜口水。水出譜口衝。流入里來。檀江自此北行四里。入二

廂境。又北二里。至黑口橋。右合龍井水。水出開化都龍井。流九里來。

注。又北四里。至上壩。又北二里。至中壩。右合捧指水。

水出一廂。捧指嶺。合駟馬衝水。流十二里來。又東北四里。至梁壁壩。左合

小江。水出王瓜嶺獅子籠。合兩路。口大井水。流五十一里來。又北一里。至陳家

橋。又北五里。至袁家橋。又北三里。至余家橋。又北二

里。左合沒底井水。沒底井當官道旁。方廣一畝。好事

者嘗以繩百丈。繫石窮之。不能得其底也。又北五里。

至李家橋。左合烏龜水。水出永成三都含毫嶺。經烏龜橋。流二十三里來。又

北一里左合山口水水出五花坪流十四里來注又東二里入一

廂境又東北三里曰檀江橋又東二里至青龍潭又

東北六里至磨子灘右合長衝水水出長衝口經澄水橋流十五里來

注又北三里至雙江口入於邵水檀江自兩源合後至此行五十一里

總一百三十八里見上水道提綱謂邵水即花橋及洪橋官橋三水所謂花橋即指檀江第此係就今

縣城地望言之耳官橋水誤辨見道光府志

埤入資水稍長之水

巽江即西洋江始出當隆回五都麥石衝南流八里曰

小王灣又南六里曰大王灣又東南七里至西洋江

邵陽縣鄉土志

卷四 地理 水道 九

右合茶陵江江一名杉木出貫衝崗虎形山合梅家坪水管子溪水暗衝崗水流十五里來

入又東南五里至龍潭左合大原水水出英公嶺又

南六里至大水田右合大田水水出馬蝗坳又東南

三里至江尾又西南四里至蕨里坪右合蕨里水水出

馬蝗坳流又東南三里至算魚塘又西南三里至迴

龍庵右合袁家水水出白馬山管子嶺流九里來入又南二里至老

虎巖又南二里至木瓜坪右合木瓜水水出木瓜坪流三里來入

又南五里至田心橋又南二里至陰山鋪又南三里

至油鋪口左合東山水水出人腦衝合東山溪流十八里來入又南三

里至水東山。又南三里至鐵嶺。右合鐵絲水。水出鐵絲坳流

四里來入。又南三里至胡橋。又南三里至尹家。又南三里

至水西。自此行隆回五都及武岡州境沙藍水團界。

左合跌馬水。水出跌馬坳。流八里來入。西洋江自此再南一里至

李家山。入武岡湛田團。南流歷花衝團巽江團。注於

平溪。再由石下江至龍潭雙江口。入於資水。西洋江

共長一百一十一里。自發源麥石衝至出縣境計行

七十五里。此外隆回五都有新塘坳水。南流入武岡境。合五都荷葉塘水。注西洋江。

辰溪長一百一十七里。其源出隆回三都五峯砦。初西

邵陽縣鄉土志 卷四 地理 水道 三

北流十二里至周家蕩。又西三里至辰溪村。又東南

四里右合峽溪。峽溪出火家嶺。流五里來入。又南二里至老師鋪。

左合老師水。老師水出望雲山。流七里來入。又南五里至大石鋪。又

南七里至韓家鋪。右合匡家水。匡家水出火家嶺。南合大家衝水。共十一

里來入。又南一里右合韓家水。韓家水出望雲山。流七里來入。又南四

里至石板橋。又西南四里至羊股腦。又西南四里至

趙家橋。左合趙家水。趙家水出羊股嶺。流四里來入。又西南一里至

陸家橋。自此南入隆回一都。又南二里至橫板橋。又

南一里至龍家橋。右合龍家水。水出羅洪界。東流四里來入。又西

南二里至水尾橋右合盧溪盧溪出土嶺其行四十

八里中受朱溪白花高規諸水朱溪出白沙砦流六里注盧溪白花水出

手中洞流六里注盧溪高規水出二都洞下又隆回合孫家水平沙水畚溪水流十八里注盧溪隆回

巡檢司署在盧溪將合高規水處辰溪自水尾橋又

西南五里入北隆回五都又五里至長陵江右合架

溪架溪出白毛界流十四里來入又西南六里至雙江口右合西山

水西山水出龐家山合人腦水平溪水流十八里來入自此入隆回六都右合

跳石江臨六都砦市辰溪於是始通小舟跳石江長四十七里

其源出首望山之兩頭塘中合石頭水馬蝗水賀家水上背水銀坑水石背水南衝水馬背水來入又

邵陽縣鄉土志

卷四

地理 水道

三十一

南三里至桃花沙坪詢諸土人兩岸一曰桃花一曰沙坪又南七里至

朝陽鋪右合朝陽水朝陽水出平溪山即寶善山流四里來入又南六里

至江口左合長鄧水長鄧水出新化長鄧村百合砦合泌水流三十七里來入又

南三里至石峯砦右合石峯水石峯水出大東山流三里來入又南

四里至飛蛾灘又東南三里至張家鋪又東南四里

至桐木橋辰溪自此出六都復入五都右合星子水

星子水出跌馬坳合小東水流十五里來入又七里至尺口又東南三里

至左家灘左合竹葉水竹葉水出六都天龍坳流七里來入又南二里

至牛軋灘舊作牛鷓又一里曰四腳灘舊作曲曲四里誤辰溪自

此入永豐二都。又南里許，至和尚橋市之高橋右。又

南一里，左合雷坡水。雷坡水出雷坡山，合旋家水流十二里來入。又南三

里，至老石橋，至蛇頭邊。象形，舊志作城頭邊，大誤。又南二里，至小

江口，辰溪自此行，隆回五都及永豐二都界。又西南

一里，至石壁灘。又西南二里，至樓樹潭。又一里，至月

口潭，左合雉田水。雉田水出隆回八都石門，流十八里來入。舊志以此水屬入永豐二

都界石壁灘上誤。又一里，至芙蓉山麓，入資水。辰溪通小舟，自合跳石江

處至此，凡五十一里。

伏龍江口，上距辰溪口三十四里。原委長七十里，其源

邵陽縣鄉土志

卷四

地理

水道

三

出隆回七都將軍石，東南流八里，至大田。又東八里，

至獅子巖。又南四里，至龍潭，入隆回八都。右合老銀

水。老銀水出老銀坡，流六里來入。又東南五里，至康家橋。右合灘頭

水。水出新甯二都灘頭，合石江，流十二里來注。又西南七里，右合温塘水。

温塘水出温塘衝，流三里來注。又西南七里，至木良。又西南五里，至

葉家田蕩。又東南六里，至大畢橋。又東南三里，左合

長湖水。長湖水出南隆回七都水，流十五里來注。又東南七里，至藍橋

鋪雙江口。左合洙溪。洙溪出七都芭蕉坳，合紅廟水，流二十六里來注。洙溪近日牛

了水，初至坵里，有榭木山水，經塘市頭來注。伏龍江自此過永豐一都，又

四里至白竹橋。又西南三里至几山橋。又三里至馬
厰橋。又二里至廖阿橋。又南四里。舊作六里誤至石壩。注
於資水。

黃田水。在資水南。與辰溪伏龍江。發自資水之北。異原

委長五十六里。其水出武岡州大陂團鸞山。初東北

曲曲流九里。至鄧邱。又曲曲六里。至唐城。又一里。至

陂田。又五里。至東田。自此北入縣。永成三都。又北三

里。右合泌巖水。泌巖水出泌子巖。合黃絲水流九里來入。又北四里。至舒

家壩。又北三里。至雙溪。右合東田水。東田水出中王瓜嶺。東田衝合

邵陽縣鄉土志

卷四

地理

水道

三

牌頭嶺水盤邊水流九里來入。又北二里。至泌水橋。又北二里。至鎖

石橋。又北四里。至洋橋。右合襄何水。水出襄何村。流入八里來入。黃

田水。又北三里。至九公橋。舊作九弓又北一里。至嵩山。又

北二里。至黃田渡。注於資水。黃田水過州縣二都團

三

漁溪為自縣城下。資水東岸較大之水。原委六十三里。

始出二源。左源出西平二都界頭坳。右源出二都苦

株山。府縣舊志祇謂漁溪出界頭坳。今從其地實驗之。出苦株山之水。當申門前一帶。彼此勢均力

敵長短並同。兼接龍橋以上。其地猶有下漁溪之稱。故今斷為溪有二源。左源界頭坳之

水初三里至粟米溪右合象山水水出象山流三里來入又東

南五里至上南嶽廟又西四里至石砌路伏於獅子

巖巖下有洞石齒交錯中更宏敞溪水奔流而入又

南一里出巖後又南一里再伏於過水巖又南一里

出呂家上巖右合唐家水水出唐家嶺流二里來注又南二里至

杉木橋右合盧峯水水出盧峯坳合青山水流六里來入又南四里至

雙柏橋左合銀路水水出楊柳井歷銀路衝流五里來入銀路土人碑作銀錄又

南四里以上均本舊志至花橋與右源會漁溪左源自界頭坳至此二十五里

右源北出二都苦楮山舊作苦竹誤山高十五里俗謂其處曰紅漆棺材山脈與

邵陽縣鄉土志

卷四

地理 水道

三

洞峻嶺連距東源界頭坳亦近自山腰流至平地八里自此二里至

堆形山舊作堆陽六里至張家洞又二里至下漁溪又二

里至雙江口其近有接龍橋左合蔡家水蔡家水自蔡家洞來初出水確衝四

里至界頭橋十里至蔡家洞七里至雙江口自此東流二里至申門前又

東四里與左源會右源自苦楮山至此二十六里漁溪自此又南五

里至下南嶽廟入西平一都境又南三里至新渡橋

左合金竹水水出金竹衝流四里來入又南一里至黃家橋又南

二里至觀音閣又南一里至石山下又南一里至畢

家橋又南一里至白沙橋又南一里左合蠟石溪出溪

過路塘流七里來入又西二里至青山廟又西二里至柳家橋

又西二里至石豬灣右合杉樹水水出草塘流六里來入又西

南五里至觀音塘右合踏石溪溪舊作大石出西衝合龍塘水流十六里

來入又東南三里至仙鶴橋左合蜂子水水出蜂子巖流四里來入

又西南一里右合麻溪溪出袁家衝流八里來入又西南二里

至柳山坪右合石灰水水出石灰衝流十里來入又西南四里至

漁溪橋又西南一里注於資水漁溪自柳家橋以下

水殊平靜

高平水在漁溪下對岸三十一里原委長一百五十里

邵陽縣鄉土志 卷四 地理 水道 三五

水出新化靈真村撻鳥坳為望雲山南麓坳有接龍寺水

經注謂出武陵郡沅陵縣首望山西南流經高平縣

南首望蓋即望雲北魏時其地屬武陵郡說詳道光府志水

自此過栗坪村入縣新甯五都阜泥衝自源至晉高平故縣三十

五里其地今日縣場在水東岸又四十八里至阜泥衝自源至此已八十三里右合樸塘水

樸塘水亦名九溪水出玉女山合巖口水小江水流五十三里來入巖口水出分水

界至白竹坪四山相合伏流石罅中十餘里出膝頭

嶺合隆回七都天邊水至樸塘橋注於樸塘水小

江水出七都划船廟至長江又二里注樸塘水又東南二里至五湖廟左合

高畬水右合溱溪高畬水出高畬流六里來入溱溪一作津溪出溱溪瀾流五里來入

又東十二里至周家田右合山溪

山溪一作三溪出新甯二都牆背合

半下水分坳水

又東南一里右合碧雲水

水出碧雲洞亦名大

田水合摘李坳長龍山搭石港諸水流十一里來入

又東南五里右合清江水

水口江流二

又東三里至渡頭橋左合清楚水

清楚水出

十一里來入

又東六里至江口左合申明溪

溪一作七子水出銅

鼓洞合老虎坳牛山辰山高塔諸水又合新甯上一都鐵爐水羊了水溫泉水流四十二里來入

山有上下二洞水自上洞螺旋而下鳴咽有聲明季村人避兵於此賊火而薰之人盡殲

又東南

八里至小水廟又東二里至衝頭又東南一里至唐

山高平水自此入新甯上一都又南二里至沙子田

邵陽縣鄉土志

卷四

地理

水道

三

右合田池水

水一作雙溪出三都曹家溫東北流九里至爛壩分流各十一里至新甯三都

復合流

又東八里至石灘右合白蓮江

江出新甯三都大井塘合

莊山水泉井水二都楊柳井水流十七里許來入

又東北四里曰石馬江有

橋曰廣濟

縣人鄒先舉有記

又三里至龍江渡有團井水從

白雲巖山頓旗峯頂飛瀑直下南流合溫泉水來入

團井水以歷團井廟至故名舊志或作斷雞或作斷溪誤

高平水又東北三里至

阜角塘又東北一里

舊作三誤

至小江裏又東北三里至

牛灣塘

一作牛軋

注於資水高平水過縣二村都六

雲溪入資在新化縣治之下其始發源在邵陽界上崗

牛家店初東北流五里爲芭花坪又北四里至龍蕩

右合魚鱗水水出魚鱗崗流六里來入又東北四里至槐花坪又

東北四里至爛草田又東北一里入隆回二都又東

二里至龍王廟左合鐵山江江出老牛坡流八里來入又東北二

里至楠木橋右合全家水水出一都全家山合背塘水流二十一里來入又

北五里至橫板橋左合黃鹿水水出黃鹿坪流三里來入又北二

里左合兔子溪水水出上冷溪山大水洞流十五里來入又北二

里左合兔子溪水水出上冷溪山大水洞流十五里來入又北二

里左合兔子溪水水出上冷溪山大水洞流十五里來入又北二

里左合兔子溪水水出上冷溪山大水洞流十五里來入又北二

里左合兔子溪水水出上冷溪山大水洞流十五里來入又北二

里左合兔子溪水水出上冷溪山大水洞流十五里來入又北二

里左合兔子溪水水出上冷溪山大水洞流十五里來入又北二

里左合兔子溪水水出上冷溪山大水洞流十五里來入又北二

里左合兔子溪水水出上冷溪山大水洞流十五里來入又北二

里左合兔子溪水水出上冷溪山大水洞流十五里來入又北二

里左合兔子溪水水出上冷溪山大水洞流十五里來入又北二

邵陽縣鄉土志

卷四 地理 水道

水出捨旗砦流六里來入又東北三里至游家橋左合麻溪水水亦

出捨旗砦流六里來入又東北四里至龍口又東北五里至踏

水橋由此入新化錫溪村雲溪共長一百六十三里

自發源牛家店至出縣境計行四十六里雲溪與初

出縣境西洋江同爲不自縣別達於資者又西平二都石板水

出洞峻嶺西北流九里入新化麻溪注資水又爛泥溪出插花嶺西北流八里入新化麻溪注資水

坳源出縣境由激入沅之水

大沙江出縣西北邊境上山崗牛家店初西南流六里至小沙江桐木水右自桐木崗頂天坡流四里來入

又西南二里入下山崗。又西南二里至大沙江。花形水左自花形山合顏家衝水流十一里來入。又西四里入香爐峒。又西一里至背陰山。又西四里至中峒。又西二里至江下。布當水右自布當崗麓里坪合掃箕崗水流十里來入。又西南五里入溲浦縣龍潭鄉。又西十里至天心。白面江右自縣白面江崗滑卦山流二十里來入。內合巖壁山血光水。巖壁下崗老山水。又十里至新橋。注於溲水。大沙江原委四十二里過縣二鄉崗四。經行縣境二十六里。

邵陽縣鄉土志

卷四

地理

水道

天

進馬江出縣西北邊境下山崗分水界。初西南流四里。

至響水洞。

水左自花形山流六里來入。

又西四里至進馬江入溲

浦縣龍潭鄉。又西九里麻塘水左自劉家崗長界合楊州江流十六里來入。又西十里至梁家峒。又西十里至韓家橋。注於溲水。進馬江原委三十七里。經行縣境僅八里。

增三汶滑卦二小水。三汶江出縣麻坑崗三青界西北流三里。左合金竹水。又北一里。左合水栗坪水。又北一里入溲浦縣兩了鄉下流注頓家水。滑卦水出縣馬蝗崗滑卦山。北流四里至廟山。又北二里。右合毛坳水。又西二里至白水洞。左合馬蝗水。又西三里亦入溲浦縣兩了鄉下流注頓家水。

坵源出縣境南行入湘之水

蒸水出縣東鄉仁風都黃帝嶺亦曰黃竹嶺即水經注

所謂耶薑山蒸水經注作承後漢志作丞別源則出中鄉一都大

雲山出黃帝嶺者嶺下有甘幾衝初北流七里至雙

板橋何家水左自匡泥坳流五里來入又北三里松

桂水左自分水坳流三里來入又北三里府志作二至羅

家衝虎衝水右自虎衝流三里來入又北五里至高

橋繆家水左自繆家衝流六里來入又北三里至漏

溪橋水崖水左自出水崖流八里來入又東二里至

邵陽縣鄉土志 卷四 地理 水道 无

孝子橋正衝水右自正衝流十一里來入缸子水右

自缸子衝流十三里來入府志漏溪橋後有又三里至霞光山語考自漏溪橋

至孝子橋實止二里無所謂共五里也兼其地無霞光山此宜核實疆里記於仁風都謂霞光山一名茶

岡嶺又東一里至三脚橋上雷水右自上雷衝流九

誤里來入上雷水內合青梁洋湖二水青梁水出勒馬砦洋湖水出洋湖衝又東五里

至仁風橋仁風橋正當中鄉羅城空口嶺之外自此

又東四里至白雲觀又東六里至下沙坪大雲水為

蒸水別源右自中鄉一都大雲山來會蒸水自甘幾

衝至此已行四十二里衝郡各舟實可通此舊志謂蒸水當

水東江始通小舟誤蒸水大時此上更可抵仁風橋大雲水則抵靈官殿

雲山出西北流二里至夏王廟又西北五里至白鹿

赤壁水右自赤壁流六里來入又西三里耳石嶺水

左自耳石嶺流七里來入此上舊有至等江鋪語又

西三里石頭水右自大石頭流六里來入又北三里

至七甲祠大平江右自大埠流五里來入又西一里

雲峯水左自雲峯流七里來入又西三里至星子橋

又二里至靈官殿芭蕉水左自中鄉二都芭蕉山流

二十里來入內合長林鐵壁各水又北六里入仁風都注於蒸

邵陽縣鄉土志

卷四 地理 水道

三

水大雲水自源至此計行二十六里短於蒸水正源一十六里蒸

水自會別源大雲水後水勢於是始盛又北一里至

文家町沙江水右自沙子坳流二十里來入舊作七里誤沙

江合東瓜衝白石衝二水此本縣志又北一里梅衝

水右自梅子衝來入又西北八里過奈田鋪橋龔家

水左自龔家坳流二十二里來入龔家水舊作洪家水誤內合申家冷

坑火廠泥蒸水在奈田橋處各舟更常蟻聚舊志謂漢書注

荆州記縣東有奈水旁有漁父廟今中鄉里實有漁父亭又有橋曰奈田橋有山曰奈湖山奈水蓋即蒸

水又北三里迴龍水右自迴龍坳流九里來入又東

二里至羅家壩骨土水左自骨土塘流十五里來入

丙合楊柳水又東三里至殷家橋太原水左自郭太原流

九里來入丙合層樓水又東五里至莫荒橋一作莫歡梅子水

左自梅子嶺流二十里來入梅子嶺屬太平二都水

塘諸處又東二里黃姑水左自黃姑坳流十二里來入

又東南三里至掃箕渡府志作箒箕月台水左自月台流

五里來入又東南三里至石馬山文斗水左自門兜

衝流九里來入又東南六里至水東江水東江市近

設有鹽釐分局駐有緝私各勇此以上至余田橋二十七里至下沙坪三

邵陽縣鄉土志

卷四

地理

水道

三

十七里舊志謂在此始通小舟誤

又東二里入衡陽縣境蒸水朱子

嘗以當九江之一者計行縣地八十一里

漣水一名捲簾水與邵水同出龍山水經注以資水納

邵因謂漣為資之別源固非辨見府縣舊志漣水有正源有

旁源有近世誤指之源正源出嶽平頂側與龍山邵

水之源一在山陽一在山陰相距無幾旁源出青山

界右界自嶽平峯發相距一十五里近世誤指之源

出界江坳坳自嶽平峯發相距四十餘里正源視青

山界水界江坳水特長正源自出嶽平峯右凡十五里至糝子坪與青山界水合

再至淘金橋與界江坳水合自源至淘金橋約五十里界江坳水自源至淘金橋約三十里界江坳水直行嶽平峯右之水抵糝子坪後曲甚此事證以目覩詢諸鄉眾自得其實道光府志謂漣出界江坳至淘金橋合青山水青山水爲漣別源光緒縣志因謂漣有左右二源左源出界江坳右源出青山山界俱未知有嶽平峯側之源考漣水既出龍山龍山主峯在嶽平頂今頂右明明有泉常湧至糝子坪處人已呼曰小漣河再至孫家橋人稱大漣河今安得置嶽平主峯不論反以青山山界與界江坳二水爲正源乎又况青山山界之水短於嶽平峯水七里界江坳之水短於嶽平峯水約二十里就長短言二水亦不及嶽平漣水之源乎更合近世所指邵水出自嶽平峯左觀之愈可以灼然知其正源所在

漣水出嶽平峯右井泉迸發四時不涸初自山側流至平山再行而西至糝子坪凡十五里中合木山水李家衝水

邵陽縣鄉土志

卷四

地理

水道

三

李家衝水卽與青山山界水同來注者青山水爲漣水旁源出青山山界初北流五里至瘦馬樓娘娘水入焉

水出娘
娘殿

又北二里至李家灣夏家水入焉

水出夏
家衝自

此與正源會漣水當糝子坪後人呼小漣河自此大曲而西而北而東中受周家灣筭箕托諸水約三十里至淘金橋合貓洞水與界江水貓洞水出貓公洞流十餘里來注界江水出三溪一都界江坳初東北流七里至三溪五都青山寺蔣家水入焉又五里至彭家灣彭家水入焉又六里至長鋪子石洞水入焉

又一里至譚家灣。觀音水入焉。出觀音山又東北三里至

禪堂坳。一作蟬塘太平衝水入焉。又北六里至淘金橋。與

漣水正源會。漣水自抵淘金橋。合貓洞水。界江水後。

又西六里至几子橋。泌水合潭溪水。湖家水入焉。泌水

出東嶽村北流而伏。再出於巖門前。本處土人云。東嶽村水約長四十里。潭溪約長二十里。又西

北一里。爽溪合把人坳水入焉。爽溪出西平二郡土人云。爽溪自蔡家洞

來亦長四十里。又北二里至永泰橋。右溪入焉。水出西平二郡白茅衝

漣水在此。始通舟楫。永泰橋即孫家橋。本處市人謂自淘金橋至

孫家橋五里。淘金橋下二里有豪塘橋。自此又東六里。田心坪水入焉。

邵陽縣鄉土志 卷四 地理 水道 三

舊志謂永泰橋六里至田心坪。誤。田心坪距漣水濱約七八里。又五里至馬江邊。柘

木水入焉。水出柘木坳。至將溪台。山水。又三里至白馬寺。黃泥坑

水入焉。舊志於又五里至馬江邊之前。有又東十五里至雙江口。九江衝水入焉。三語。今考自孫

家橋至白馬寺。循水右岸行。實止十里。水亦不甚曲。若如舊志所紀。道里數之計二十九里。此處誤甚。兼

徧詢土人。此處無所謂雙江口。漣水自此又東四里至紅田寺。鄉人碑刻

作洪田市。柿子衝水合寒盤坳水來入。又東五里至道童

山澗。溪合永樂庵水來入。又東五里至青雲橋。又東

三里至石邊。又東三里至老屋橋。又東三里至富塘

橋。入湘鄉縣界。漣水經行縣地。約九十餘里。自此合

墨溪藍田諸水。歷湘鄉縣城。至湘河口。入於湘水。水道提綱謂漣水源流五百餘里。

附由漣入湘諸小水

太平水出東鄉太平一都太平亭左合干家衝水。又東二里至白毛壩。右合白毛水。又東北二里至周家壩。右合了株嶺水。又東北六里至瀾橋。右合宋家山水。又東三里至連塘。右合賀家山水。又東五里至木山橋。左合新甯下一都烏龍巖水。烏龍水內合巖腦上水。陽禾嶺水。鐵絲嶺水。平塘水。江衝水。龍邊水。經湖心巖。長約二十八里。太平水又東一里入湘鄉。為永豐側水。注於漣水。側水一作測水。太平水行縣地約三十里。今案府志烏龍水經湖心巖合龍邊水。後又六里方入太平水。縣近志則以烏龍水入太平水。後又東四里始至湖心巖。龍邊水入焉。此處縣志誤。府志不誤。烏龍水與龍邊水合處有雙江橋。其地曰犁頭嘴。自此五里抵香花樹。始與太平水會。再一

邵陽縣鄉土志

卷四

地理 水道

三

里入湘鄉縣境。湖心巖今題額作無相巖。又湖心巖之上十里。有石潭寺。矗立水中。形勢亦勝。金仙水出新甯下一都金仙山。亦側水一源。初東流五里。至五石邊。又東四里至小家橋。又東三里至洲上。又東三里至聶家橋。入湘鄉境。小家橋疑當作蕭家橋。此外太平一都團山水。東北流六里。至青玉寺。入湘鄉境。太平二都長衝水。東北流十里。至龍公橋。入湘鄉。又三多水。出二都三多塘。東北流十里。至白竹寺。入湘鄉。又有大富山水。亦東北入湘鄉。烟竹水出嶽平峯下。烟竹坑坑左低平。長小之山。為由牛頭嶺來。過脈起嶽平峯處。脈之左為寶塔坪。其水歷譚家嶺。馬家嶺。下入泰芝廟田蕩。脈之右為烟竹坑。其水合荆竹坪水。飛水洞水。鐵絲坪水。歷龍潭衝。下入杉樹廟後。蘇莊田蕩。舊志以荆竹水為主。無烟竹水。烟竹水自出。烟竹坑後八里。至沙平嶺。側荆竹水自荆竹坪來。入荆竹水。殊短。自此東流十五里。至吳家牌。飛水溪自飛水洞來。入飛水。一名白水。即龍山瀑布水。初自牛頭拗發。歷牛頭衝。白水田蕩。飛

水洞再從石壁瀉下約垂二三丈烟竹水自此又東五里至高橋又東六里至黃土潭鐵絲水自鐵絲坪來入又五里至大橋邊灌溪自磨刀石來入灌溪一名快溪又東北五里至湯家橋入於湘鄉湯家舊作楊家誤烟竹水自此東北注涓水再至梅林江處入於漣水涓水源出三溪六都由泌水橋入湘鄉涓水尚有湘鄉別源今案舊志於烟竹水荆竹水經行處道里源流俱多失實茲並改正語不悉詳烟竹水行縣地約四十餘里又東坪水出雞冠山之南澗北流合葦坪水小江水由湘鄉北注漣水又隔山水出三溪六都車家嶺之隔山東北流合庫裏水由安化注於漣水

墨溪水自安化縣藍田市注於漣水其源出三溪五都紅茅嶺溪水小而清潔有石黑而光故曰墨溪初西北流入里岸旁大石峙立高百丈上有鏡石高廣盈丈瑩澈可鑿又北二里至廟前右合黑泥坳水又北六里右合烟竹嶺水烟竹水內合疲牛嶺水洞底衝水龍井水管子衝木心嶺水墨溪自此又北七里

邵陽縣鄉土志

卷四

地理

水道

三五

至姚家壩入新化陽洞村又東北至安化縣藍田市注於漣水墨溪行縣地約二十三里

附錄光緒初元邵陽縣志存疑諸水

山水篇末云酈道元水經注餘溪出邵陵縣東南流注於湘今溫和里水西流者入檀江其東流者出尚賢里之小眉山東北流港子口逕落擔觀入上羅城東合濠塘水濠塘水有二源一出四明寺一出梁山衝至雙江口二源合流經畱規衝之濠塘會上羅城水東南流過祁陽狗龍界注湘水凡皆四明山麓溪澗所餘意餘溪其即此也又水經注應水出邵陵縣歷山崖嶮險阻峻嶒萬尋澄淵湛於上應水湧於下西南流經應陽縣南注湘水今開化里弔井嶺有巖泉東流逾桃木衝西南逕祁陽簞蓬坑至大路邊注湘疑即應水又舊志載有瀉水出邵陵縣界東南流至零陵注漣水今檀江西源水有分流東安者疑即瀉水附錄俟考以上皆本原文今案酈道元水經注固多詳明可據第當時南北分裂形勢隔絕道元北人於南方水道亦多有不可泥者不可不知

邵陽境內諸水歸合表

出境別入他水者不列

資邵水 正源水 邵水 巽江水 辰溪水 伏龍水 黃果水 邵水 漁溪 高平水 皆入此

巽江水 楊家水 楊塘水 齋塘水 西源 茶陵江 峽溪水 老銀水 泌巖水 左源 濮塘水

辰溪水 龍山水 三岩水 譜田水 馬家水 高霞水 大原水 老師水 匡家水 灘頭水 象山水 一名九溪

伏龍水 冷坑水 鄧家水 大和水 扶村水 八角水 袁家水 趙家水 韓家水 溫塘水 東田水 唐家水 高雷水

黃果水 占穀水 張古水 牛坑水 正衝水 東源 木瓜水 盧溪水 長湖水 襄河水 右源 碧雲水 蔡家水 清江水

邵水 高棍水 分溪水 乾衝水 冰塘水 四葉水 東山水 西山水 架溪水 涿溪水 皆入此

漁溪 檀江水 井邊水 阜塘水 天台水 兩源合後 鐵絲水 跳石水 朝陽水 皆入此

高平水 陶家水 聶家水 捧指水 龍井水 皆入此

皆入此 祭旗水 譚家水 小江水 忍底井水 烏龜水 山口水 長衝水 皆入此

邵陽縣鄉土志 卷四 地理 水道表

邵陽諸水長短表

出境別入他水者不列

資邵水 槎江 龍山 檀江 辰溪 高平 伏龍 漁溪 黃田 盧溪

行縣地 源流 發源至發源至 至入邵 水處行 流源 流源 流源 流源 流源 流源 流源 流源

長 一百一十七里 正源六十七里 正源七十里 十餘里 長 一百一十七里 長 一百一十七里 長 一百一十七里 長 一百一十七里

短於正源十七里 短於正源十七里 短於正源十七里 短於正源十七里 短於正源十七里 短於正源十七里 短於正源十七里 短於正源十七里

源七里 源七里 源七里 源七里 源七里 源七里 源七里 源七里

源流共 長二千 里或云 一千九 百一十 七


源流共 長二千 里或云 一千九 百一十 七

源流共 長二千 里或云 一千九 百一十 七

源流共 長二千 里或云 一千九 百一十 七

邵陽諸水大略圖

附



道路

道路為地學一端。西域諸國荒遠。賴漢書紀載。道里後世得以知某國在今某地。地理不詳。道路東西奚辨。遠近奚諳。所當按途實計。令閱者一目知其梗概。道路第九。

縣境東西廣二百三十五里。

東自界嶺入湘鄉。西自土橋鋪入武岡。

南北

表一百七十里。

南自田心鋪入東安。北自巨口鋪入新化。

東南距西北三百四十三里。

東南起大雲山入衡陽縣境。西北至香爐崗入澁浦縣境。

西南距東

北一百九十五里。

西南起木兜鋪入武岡州境。東北至茅塘鋪後抵湘鄉縣境。

此

邵陽縣鄉土志

卷四

地理 道路

三

為縣境廣袤總數。

今案府縣舊志均作廣四百有五里。表一百七十里。東南距西北二百有二里。西南距東北二百二十里。內惟表一百七十里未誤。以舊志下文所列至各縣界道里數之餘俱欠合。

自縣治前東至湘鄉界一百二十五里。初十里石井鋪。

次二十里藍江鋪。次三十里雀塘鋪。次四十里洪橋

鋪。橋跨龍山邵水。次五十里山塘鋪。次六十里雙泉

鋪。次七十里黑田鋪。次八十里白馬鋪。次九十里楮

塘鋪。次百里長塘鋪。次百一十里金仙鋪。次百二十

里鄰湘鋪。

俗謠銀仙

次百二十五里界嶺鋪。此為入省大

道界嶺市塵半屬縣地半屬湘鄉洪橋界嶺為從前
提督學政止宿處黑田鋪有故黑田巡檢司後廢建
有資東書院近改資東小學堂楮塘長塘金仙三鋪為龍山
自火厰坪後大茅坪分來山脈經行處

自縣治次東至衡陽界亦一百二十五里初十里石橋

鋪橋跨繆家衝水舊曰三塘衝次二十里雲水鋪今圯其地在過

長嶺觀市後當游楊衙子處次三十里甘棠鋪逾渡頭橋邵水始

至次四十里官橋鋪橋跨冷水坑水逾霞光嶺市五里而至

次五十里南市鋪鋪東距仙槎橋市不一里仙槎橋

邵陽縣鄉土志 卷四 地理 道路 三九

跨槎江水次六十里阜塘鋪次七十里山洲鋪鋪當梅塘

仁風中鄉之交實曰三都次八十里檀木鋪次九十里黃桐鋪次

百里奈田鋪有奈田橋跨蒸水上次百一十里漿水

鋪次百二十里石灣鋪次百二十五里水東江亦有

橋跨蒸水上自石灣鋪至水東江縣志作十里誤此為通衡州府城大

道甘棠鋪為周召康公循行處明初棠株猶存建有

寶蔭局仙槎橋建有仙槎分局檀木黃桐二鋪為衡

嶽幹脈經行處奈田橋設有衛東局衡州府各舟常

通至此水東江近設淮鹽緝私分局地衝要

自縣治東南至祁陽界九十里。初十里楓木鋪。次二十里檀江鋪。有檀江橋。橋跨檀水上。次三十里巖頭鋪。次四十里錫嶺鋪。次五十里塔嶺鋪。次六十里泉口鋪。逾諸甲亭子而至。亭處有義勝局。次七十里弔井鋪。次八十里洞田鋪。次九十里入祁陽境。此爲通永州府大道。檀江橋建有定遠局。弔井鋪當弔井嶺麓。爲衡嶽幹脈。自四明山小眉山來。經行過峽處。

自縣治南至東安界一百一十里。初十里兩路口。次二十里山口鋪。次三十里黃婆坳。次四十里谷洲鋪。谷洲

邵陽縣鄉土志 卷四 地理 道路 罕

一作穀洲亦稱孤洲亦作故洲有橋跨小江水上。次五十里十里牌。

次七十里花橋鋪。次九十里石腳鋪。次百里五峯鋪。次百一十里田心鋪。入東安縣境。此爲由永屬通全州。以入廣西省垣大道。五峯鋪西南近高霞。四明諸山市廛甚眾。常勝局在此。

自縣治西南至武岡界四十二里。再至新甯界一百一十五里。初十里梅子井。次二十里羅山鋪。次三十里九弓橋。本作九公亦作九工亦作九鞏橋跨黃田小水。實一礎。次四十里木兜鋪。再二里入武岡州境。自此共六十里爲

歐陂七十里爲黃塘。百里爲塘田市。次百一十五里至楊田。入新甯縣境。此爲由武岡新甯通廣西省閒道。九弓橋設有大安局。咸豐九年。粵逆石達開黨多聚此。塘田市臨來自新甯資水之濱。

自縣治西至武岡界一百一十里。初十里富盛鋪。一作富辰

逾新渡口官路五里而至。次二十里楓林鋪。次三十

里長楊鋪。一作長陽。俗訛長煙。次四十里板橋鋪。次五十里巖

口鋪。次六十里車田鋪。舊志如是。今其地望近周旺鋪。次七十里高

田鋪。次八十里女山鋪。俗訛兩山。次九十里藍山鋪。次一

邵陽縣鄉土志 卷四 地理 道路 里

百里雙井鋪。次一百一十里土橋鋪。入武岡州境。巖

口鋪市廛甚眾。雙井鋪近桃花坪通判署。桃花坪設

有西勝局。距縣城一百零五里。明時滇黔驛程。由武

岡行此其孔道。

自縣治北至新化界六十里。初十里玉橋鋪。次二十里

長衝鋪。次三十里石馬江。有廣濟橋。卽石馬橋。橋跨

高平水上。次四十里新田鋪。次五十里白雲鋪。次六

十里巨口鋪。石馬江舊設有剛勁局。白雲鋪以白雲

巖山名。巨口鋪舊有關。爲扼守重地。

坵無塘汛道里之數

自縣中東路太平都至衡陽界一百三十五里。初十里亦石井鋪。次二十里丫嘴嶺。一作株次三十里短陂橋。次四十里范家祖山。逾高崇山而至。次五十里水井頭。次六十里麥子坑。次七十里兩頭塘。臨和尚橋。橋跨古邵水上。次八十里旱井鋪。次九十里周家橋。次百里火廠坪。次百一十里糜家坪。舊作糜家坪誤次百二十里礪橋。次百三十里燕子塘。次百三十五里入衡陽縣境。由此歷金蘭市洪落廟趨衡州府城。較奈田橋邵陽縣鄉土志

邵陽縣鄉土志

卷四

地理 道路

望

一帶為近。范家祖山有震中局。兩頭塘即漢昭陽晉邵陽舊治。市廛甚盛。設有保釐分局。火廠坪衡獄榦脈自雷神山來。經行過峽在此。

自縣小東路中鄉都至衡陽縣界一百四十五里。初七十里山洲鋪。次八十里毛何甸。次九十里水浸亭。次百里仁風橋。橋跨蒸水。自此上空口嶺入中鄉羅城。沿途險甚。次一百一十里靈官殿。次一百二十里星子橋。橋跨大雲水上。次一百三十五里白鹿。次一百四十五里大雲山。入衡陽境。毛何甸距雷神山不遠。

衡嶽餘脈。跌落過峽。勢特低平。靈官殿設有保全局。

舊志謂自檀木鋪老女橋抵星子橋。又至等江鋪。途並迂曲。非是。

自縣西少南。經武邵江。至武岡界八十一里。初十里神

灘渡。舊名冷水鋪。次二十里河上橋。次三十里栳木山。次

三十五里秋田。舊志謂神灘渡至栳木山五里。栳木山至秋田十里。誤。次四十

五里油草橋。橋跨金溪上。次五十五里白茅塘。塘逾

巖頭嶺四里。始至巖頭嶺。勢甚峻。土人亦呼銅鑼嶺。近處山脈率自此發。

次六十五里龍洲鋪。今自白茅塘五里黃花坪。又五里大田村簡宅鋪。卽近是。

次七十五里青樅樹。今其地爲蠟樹坳。有青草渡。青樅樹圖作青瓜樹。土人均無聞。

邵陽縣鄉土志 卷四 地理 道路 三

次八十一里。逾道觀山。抵武邵江。江卽資水。南岸爲

武岡州地。秋田有鄉賢祠。祀唐時胡曾。曾墓卽在祠

內。宋時李傑故居。亦卽近此。

自縣西少北。至隆回都九十三里。初十里神灘渡。次二

十里楓林鋪。次二十二里火燒坪。次右行八里。共三

十里白蓮江。蔡家莊王姓居此。次五十里清江廟。次六十里

上三溪。舊志謂白蓮江至上三溪十里。誤。次七十里馬頭山。次八十

里楂黎坳。次九十里。逾新化馬家橋。抵巖口。次九十

三里。膝頭嶺。入隆回境。巖口當膝頭嶺之側。膝頭嶺

巔有仙蹟亭。自嶺以東山並平夷。自嶺以西山並崔巍雄大。

自縣西再北經和尚橋至武岡界一百五十八里。初五

十里巖口鋪。次六十里芭蕉坳。次七十里罐子窰。自今

芭蕉坳行五里柏水塘五里罐子窰。舊志謂自巖口鋪至罐子窰二十五里誤。次八十里灘

頭。今案近自縣城抵灘頭七十里。初三十里長陽鋪。次四十里鎮垣亭。次五十里十字路。次六十里栗

山鋪。次七十里。即抵灘頭市。次一百里龍潭。次一百一十里大塘

鋪。次一百二十里師公井。次一百二十八里和尚橋。

次一百五十八里水西塘。亦曰水西橋。入武岡州境。此據

邵陽縣鄉土志 卷四 地理 道路 四

舊文言之本處土紳謂自巖口鋪樟木塘至罐子窰者為通荷香橋大路。荷香橋即和尚橋。由樟木塘右

行經楊梅宅榭木山者十二里。灘頭出五色紙。設有通灘頭樟木塘俗呼麀鹿塘。

果勝局和尚橋市與灘頭市貿易甚夥。今案由桃花坪至和尚橋

者初五里陰山鋪。又七里羅公廟。又七里邁跡亭。又五里蔭遠亭。亭側有宋知邵州劉琪墓。琪字義甫。又

一里黃河衝。又五里過雷坡水抵和尚橋。

自縣西益北經新化歷隆回至漵浦界一百九十八里。初六十里巨口鋪。次百里新化金鳳村大橋邊。次百

二十八里隆回鳥樹下。次百三十八里石板橋。次百

五十里司門前。司門前當隆回司處。次百六十五里

土嶺界次百六十八里芒花坪次百七十三里牛家
店次百七十九里小沙江次百八十五里大沙江次
百九十三里香爐崗之中崗次百九十八里入辰州
府澁浦界烏樹下田隴甚闊司門前設有隆勝局土
嶺界自麓至巔十里爲縣要隘自牛家店來者循高
而下較易此已陟界上崗小沙江由牛家店而降衝
更平暢有眾市廛有舊義學今案自縣西北循桃花
坪和尚橋六都砦羅洪
界司門前抵香爐崗中崗入澁浦境則約二
百五十里此上所行自新化縣境過路較捷

又自百二十八里烏樹下共百三十五里鑼鼓石自

邵陽縣鄉土志

卷四

地理 道路

四

此右行逾禾木山共百四十三里匡家鋪次百五十
三里和樹坳次百六十三里爛草田次百七十三里
老鷹坡入澁浦境老鷹坡卽老牛坡由澁浦向辰州
去者循此和樹坳爲了髻山發脈行度低平處老鷹
坡頂澁浦縣建有礮臺

自縣又北經小廟頭至新化界六十五里初十里匡家
嶺次二十五里九頭巖次三十七里右溪灣次四十
二里小廟頭次五十四里蓮子灣次六十里龍口溪
次六十五里三門灘入新化境右溪灣在唐溪入資

水上三里。小廟頭下距銅柱灘五里。自九頭巖以下。此爲循資水岸以趨新化。

自縣益北經白水洞至新化界六十一里。初三十里唐口。次四十里高橋。次五十里白水洞。次五十八里螺絲洞。次六十一里三公嶺。高橋設有棠溪分局。白水洞山水清奇。此爲由陸路開道以趨新化。

自縣東北經釀溪至新化界五十五里。初二十里釀溪渡。次三十里湯仁橋。次三十五里湖成廟。次四十五里大壩口。次五十五里分水坳。入新化境。釀溪爲劉邵陽縣鄉土志。卷四 地理 道路 吳武慎公長佑成浮橋欲渡資水擊賊處設有釀溪分局在。

自縣北微東經漁溪至新化界九十里。初二十里漁溪葉家亭子。次三十里青山廟。次三十八里榮興坳。次四十一里南嶽廟。次五十一里花橋。次五十九里楊家坳。次六十九里杉木橋。次七十九里上南嶽廟。次八十六里磬石廟。次九十里梅砦嶺。嶺脈自界江坳至漁溪葉家亭。其近處有寺門前設有漁溪分局。漁溪

釀溪棠溪三局總爲台溪局。

此爲由新化境以抵安化要道。

自縣東經雀塘鋪至湘鄉楊家灘一百三十五里初三
十里雀塘鋪次迤北共六十里界江坳自雀塘鋪至
界江坳三十
里舊作四
十里誤次九十里淘金橋橋後五里孫家橋
設有歸一分局次百
二十里茅塘鋪次百二十九里界田坳入湘鄉境次
百三十五里抵湘鄉楊家灘淘金橋跨漣水上茅塘
鋪設有維風局此為由婁底澗水會湘鄉城以抵省
垣之道

補列府志次南至武岡州界道里之數

自縣次南至武岡州界道光志謂一百有二里初五十

邵陽縣鄉土志

卷四

地理

道路

里

里為十里牌次西南五十六里小江水次六十二里
田中間次六十八里三路壩次七十四里尚賢都董
家坪次八十里兩路口次九十四里入武岡州界

今案府志所紀按里分數九十四里頗與總數一百二里

不合以今所行核之亦異今自四十里谷州鋪右行

次五十里灣塘鋪當小江水處府志所謂十里牌
係由谷州鋪中出抵花橋之路次

六十里田中間劉艾姓
居此次七十里董家坪次八十里


兩路口次九十里旌旗嶺為邵陽武岡交界處自此
入里

抵州地巒山鋪分抵
唐渡口白倉諸市

邵陽道路大略圖

東

每方二十里



邵陽縣鄉土志卷四 地理 道路

物產

邵陽地瘠鮮出珍異五穀蔬果藥材向屬不乏近日錫鑛人始盛談謹依天然製造二產分別動物植物鑛物兼及常產特產大宗之產商務欲求進步卽於是可以深長思焉物產第十商務以類殿後

動物之類

毛族有牛馬羊豕犬貓麋鹿虎豹豺狼麀鹿兔鼠狐狸獾獺熊各物牛分水牛黃牛水牛能浮水能負重能犁泥深田黃牛但可以耕輕淺之

邵陽縣鄉土志

卷四

地理

物產

晁

田耕田以牛爲最急最重近各處困於宰殺偷竊值頗翔貴馬不多產閒亦有產騾者騾一作羸短鬣長耳牡而壯者俗呼駒子羊分黑白二種邑並山羊許慎說文所謂細角似兔而大者也豕畜於家者曰家彘長於野者曰野豬野豬狀類家彘喙長多力一種豪豬鬣如筆管徧體有刺一種田豬大如兔一種土豬居士穴無大者犬分家犬獵犬獵犬輕捷能逐走獸近時城市頗蓄低小洋犬貓善捕鼠狀似虎與他處同麋本鹿之大者一種類黃牯腹大頭長尾如圓

珠俗曰野牛。鹿身有斑點。叢山密林間一值之。虎大者爲彪。頗不常見。豹似虎。形較小。多圓斑文。有一種小者。俗稱雞豹。豺故狼屬。性善噬。俗曰豺狗。狼似狗而大。土人取以爲裘。則一種黃黑色者。其名曰獾。麇亦作獐。首有白花紋。取爲腊。味最佳。好緣木食果。俗稱白面狸。亦曰果子狸。鹿似麇而小。黑黃色。一種純黑。俗呼烏獐。貍似狸。俗呼烏爪虎。狐卽野狗。歲久尾有白毳。獺一名水狗。蒼黑色。一種山獺。毛軟毳。純黑如黍。俗名紫獺。兔穴居。畜於家。與他處同。鼠善齧物。

邵陽縣鄉土志

卷四

地理

物產

辛

白常鼠外。有田鼠。春化爲鶉。有竹鼠。一名竹鼯。往來竹杪。絕迹飛行。有山產黃鼠。烏尾。好食蛇。頰可爲筆。猿卽猿。俗曰獼猴。邑不常有。熊有狗熊。馬熊。龍山一帶。有之。人熊絕少。羽族有雞鴨鵝鶻。雀鳩鶻。

鶯燕鴟鴞鷹鷂脊令杜鵑鳩鴝鶻百舌畫眉鶻鶻鶻戴勝鷺鷥鷓鴣鷓鴣綬帶鴛鴦烏鶻鷓鴣鴛鴦魚虎蝙蝠各物。鷄大小毛色不一等。絨毛者俗呼太和鷄。毛反生者俗呼翻毛雞。一種秧雞。秧生始有。一種禾雞。穫禾時人逐之。或但藏其頭。鴨分家鴨野鴨洋鴨。洋鴨

有冠頗肥大。邑中畜之尚少。野鴨卽鶩。羽白。喜沈。一種曰鷺。色蒼黑。喜浮。此卽鷓鴣。係鴈之大者。野曰雁。家曰鴈。二字有別。鵠大於雁。其色白。一名天鵝。鵠狀類鵠。鵠亦名鵠。鵠雀。依人小鳥。俗呼麻雀。別種稍大。食麥。俗曰麥啄子。鳩一名布穀。有數種。斑鳩亦其一也。鵲本作烏。能知太歲所在。今呼喜鵲。亦名乾鵲。一種山鵲。長尾赤喙。食蛇。俗曰蛇鵲。一種出沒溪澗中。尾長而白。俗呼拖白練。鶩卽鷺。一名倉庚。又曰搏黍。又曰黃離。留燕卽舛。亦名元鳥。一種紫頰。一種純青。

邵陽縣鄉土志

卷四

地理

物產

五

鴟。雁屬。鴟惡鳥。晝伏夜出。所鳴其家有禍。此卽鵞鳥之類。鴟似斑鳩而綠。鵞似鴟而黑。鷹卽雁。喜攫飛鳥。穉雞爲食。鴟多赤。鴟尤善搏擊。脊令爾雅一名雍渠。俗呼瓦灰鳥。亦稱蕩水鳥。飛則鳴。行則搖。杜鵑一名杜宇。一曰子雋。一作子規。俗又呼陽雀。鵠鵠卽八哥。亦曰八八。能言語。鷓鴣類斑鳩。一名懷南。其鳴自呼。云。鉤。轉。格。磔。行。不。得。也。哥。哥。百。舌。反。舌。也。似。百。勞。而。小。畫。眉。眼。角。有。白。眉。如。畫。故。名。多。慧。善。鳴。好。鬪。鷓。鴣。說。文。鷓。鴣。屬。本。二。鳥。今。統。名。鷓。鴣。棲。有。常。匹。不。越。橫。

草戴勝卽戴鶯似山鵲毛冠俱有文飾鷺鶯一名春
鋤一種色枯俗呼蓑衣翁鷓鴣其喙似鉞俗呼水老
鴉一種差小曰鴉鵲或謂之交精鷓鴣催明鳥俗呼
鐵夾子綬帶鳥尾長尺許大如燕紅毛者雄白毛者
雌鷺俗曰啄木斑者雄褐者雌烏孝鳥爾雅注純黑
反哺者烏腹下白不反哺者鴉今統名烏鴉鴉鷓一
名訓狐今謂之鬼車或云卽說文之梟不孝鳥也鴛
鴦飛止相匹別種鷓鴣俗謂之紫鴛鴦魚虎食魚翠
色翡翠雄赤曰翡雌青曰翠卽所謂鵠大小二種皆
種出石洞中形尤大鱗族有鯉鯖魴鱖鮠鯖鮎

邵陽縣鄉土志

卷四

地理

物產

三

可爲飾蝙蝠鼠形肉翅俗名檐蝠或稱檐飛鼠又一
種出石洞中形尤大鱗族有鯉鯖魴鱖鮠鯖鮎
鯢鱮鱠鰕鰾鱧鱣鮪鮑獅頭魚白雪魚各物鯉生最
繁最易一種赤色者曰金絲鯉一種黑色者曰青波
鯉鱗亦作鱗俗作鯽腹大脊隆莊子涸轍之鮒卽此
一種石鱗魚出江水巖石間其大數倍味尤美魴闊
腹隆脊細鱗青白色腹內肪甚腴以頭小一名縮項
魴鱖似魴頭大今謂之鱖其頭尤大者則謂之鱖鮠
俗呼草魚以食草言一種眼赤者俗曰紅眼睛鱖卽

青魚與草魚形似鮎卽鯪魚背青口小時吐涎光滑不易執持者江東呼爲鯪鯪似鮎有足四長尾聲如小兒啼能上樹捕鳥取其膏然燭不滅一名王鮪俗呼抱木魚邑閒有之鱮或作鮪出泥淖中鱠或作鱮或作鱮狀類蛇出水田者色黃一種白鱮出江水巖穴閒質更肥美鱮巨口細鱗斑點烹之少刺鰕魴也。有大小二種鱧正字通烏魚頭有斑點如北斗形一曰七星魚性賊害食子但畧畱餘鱮頗似鰕魚口細體圓厚而長扁額細鱗腹白背微黃好食魚俗呼橫

邵陽縣鄉土志

卷四

地理

物產

三

魚當卽此有重六十觔者鱖赤眼背脊有刺逆生好食蛇鱔揚也黃頰亦名黃頰魚大而有力解飛墨線魚長二三寸身有黑紋如墨甚肥美白練魚喜游灘瀨十百成羣大者盈尺望之如疋練俗又呼白雪魚介族有龜鼈鼉鱉蟹蠃蚌蛤各物龜分山龜水龜又一種首大尾長好食蛇鼈形圓脊穹四周有裙俗曰團魚又一種形薄俗曰沙鼈子鼉鼈之大者鼉在陸者爲蝦蟆在水者爲鼉蟹大者蟹小者或曰卽基縣產甚小蠃或作螺一種田蠃卽蝻也一種

蝸贏生溪水中。俗曰螺螄蚌蛤。一種殼薄產於池塘。一種殼厚出自江中。蟲類有蠶蠶蛾蠟蚓蟻蛭

蟬螭螽蟻蠹螢蠋蠶蚤蠅蝸蠅蚊蠶蠶蠅蝮蛇結草
蛭莎雞蟋蟀螭蜈蚣蝮蛇鼠負負版負
盤蛄蚘蚘蚘班螯蠓蠓蟾蠃地牛蜈蚣蜥蜴蛇結草
蟲百節蟲各物。蠶自昔所珍。邑飼者鮮。蠶小者蜜蠶。
在地中作房者土蠶。在樹作房而細腰者露蠶。俗名
黃蠶。別種曰金蠶。蛾蟲繭所化。俗名飛蛾。蠟生蠟樹
上。有殼如梧桐子。延緣樹枝。食汁吐涎。剝取其渣。煉

邵陽縣鄉土志

卷四

地理

物產

蠶

化成蠟。蚓說文作螾。側行。俗或名山鱗蟻。大者虬蟬。
小者蟻。今通呼馬蟻。又有別種白蟻。墳墓尤忌。蛭分
水蛭草蛭石蛭泥蛭數種。俗呼馬蟻。亦作馬蝗。蟬衣
書中蝨蟲。一曰白魚。黃色。既老。則身有粉如銀。蠋名
類頗夥。皆蟬也。蛻入藥品。蚤蝗子。有數種。俗通謂之
蚱蟻。惟蝗害稼。蠶瓜中黃甲小蟲。蠹亦瓜蟲。螢無胃
而育。一名丹鳥。蠋葵蠶。凡藤葉上。類多有之。老即成
蛹。蠶齧人飛蟲。或生卑濕地。或生木葉上。蚤齧人跳
蟲。蠶小者青蠶。大者蒼蠶。能生蛆。蝸有殼曰蝸牛。無

穀曰游延。一作蚰蜒。螻蛄。齧牛蟲。狀如圓豆。虻。百足。一名馬虻。觸之卽側臥如環。中斷爲兩。各行而去。今俗名蓑衣蟲。蠶。蠶。網蟲也。一種作白幕。壁間。俗名壁錢。一種長腳。牽粘網。壁簷。俗呼喜子。卽詩所謂蠨蛸。一種似蜘蛛而小。善捕蠅。俗呼蠅豹。亦曰蠅虎。蛺蝶。俗作蛺蝶。一名蝴蝶。螳螂。螞蟓。母也。前二足長如鋸齒。一名斫父。俗呼禾豹子。亦呼禾老蟲。蜻蛉。水蟲所化。有青紅二種。說文。一曰桑根。莎雞。又曰樗雞。俗名絡緯。亦呼紡績娘。蟋蟀。促織也。一名青蛩。說文作悉蟀。

邵陽縣鄉土志

卷四

地理

物產

三五

一種股有鍼。俗謂竈雞子。蝨。木中蝨。色白而肥。嫩。蛄。一名步屈。似蠶。食葉。老亦吐絲作室。蝓。黑殼蟲。一曰天社。以足搏糞土成丸。轉之者。蜉蝣。一名渠略。似蝓。身狹而長。有角。黑黃色。叢生糞土中。或曰卽今之蝦蟇子。風雨將至。羣飛戶牖間。觸之則粉落而隕。螻蛄。俗呼土狗。鼠負。俗名地蝨。卽詩所謂伊威。負版。小蟲。好負重。雖困劇不止。負盤。亦謂之蜚。卽齧人臭蟲。蝓。穀米中小黑蟲。俗名鐵蝓。牛虻。蚋。蟲食禾者。班蝥。毒蟲。出瓜豆中。蠛蠓。似蚋。喜亂飛。在

甕中者曰醯雞。螭蟻。蟲在牛馬皮者。地牛。似鼠負首。有鉗。布灰爲巢。蟻至則鉗其足。因取食之。蜈蚣。頭有鉗。尾歧。節節有足。綠黑色。冬蟄。性畏蜘蛛。蜥蜴。在壁。曰蝮。在草曰蜥蜴。一名守宮。一名蛇醫。蛇有土蛇。水蛇。草蛇。木蛇。數種。其名甚夥。又有軹首蛇。一身兩頭。又有雞冠蛇。能飛。皆有毒。螫人。結草蟲。一名結葦。好於草末。結卉葉爲巢。百結蟲。赤色。大如筆管。長三寸。俗呼箭筈蟲。卽蝓也。淮南謂之雨母。將雨則於草木下藏其身。蟲類之最毒者。醫刀創神效。

邵陽縣鄉土志

卷四

地理

物產

五

植物之類

樹屬有松柏檜櫻楸樟槐檀櫚楓柁樗

榆柳桐梓桑柘棗穀柞棟椋杭黃楊黃櫟烏柏山楂女貞栝欄阜莢赤棟桎木魚桂木棉各物。松縣最多。入水經久不朽。惟陸地受風。鋸爲料。頗易招蟻。別種曰羅漢松。千年松。水松。皆益養。自外移置。柏陰木也。葉皆側生。有香柏刺柏之異。檜說文云。縱松葉。柏身。檜柏葉。松身。櫻似松。有刺。俗曰松杉。楸俗作杉。亦謂之杉木。一種葉不刺手。名香杉。樟豫章木也。二木生七年。乃可分別。豫者枕木。章者樟木。槐有青黃白黑。

諸種縣所產實堅葉小檀木質極彊韌。桐分紅白二種。質堅重。經冬不凋。楓一名樞樞。厚葉弱枝。善搖。一種雞楓。狀如雞形。歲久則生癭。杫。俗作椿。說文一作樞。或名虎目。葉香可食。樗。椿。樗。二木相似。樗木疏。椿木實。椿葉香。樗葉臭。榆。廣雅。山榆。毋姑也。其白者曰枌。柳本草。枝揚者謂之楊。弱而垂者謂之柳。楊有青楊。綠楊。白楊。紅楊。諸種。別種赤莖。俗呼觀音柳。桐與梧別。一種刺桐。材中琴瑟。一種青桐。子可食。一種罌子桐。子可取油。別種水桐。則質極輕脆。梓。楸。屬。疏理。邵陽縣鄉土志

卷四 地理 物產 五七

葉類茗取油與烏相同。楂尤良。別一種有花無實。女貞一名冬青。俗呼蠟樹。結實圓小。深紅色。楸欄。卽櫻。可作雨衣。可爲繩。阜莢有刺。實如刀豆。去油膩。一名雞棲子。赤棟似柞。叢生。葉銳而歧。文理錯戾。俗呼牛棟木。桎水質幹拳曲而堅。葉小花有紅白二色。魚桂葉香美。用以烹魚甚佳。木棉精好者謂之吉貝。出自林邑國。今內地所植。別係一種。果屬有梅杏桃。

李棗梨柿栗橘柚柑橙石榴枇杷林檎木瓜蒲萄蓮實慈姑無花果落花生各物。梅似杏。實酢。別有楊梅。

邵陽縣鄉土志

卷四

地理

物產

五

如桑實而大有核。種分紅白。白者尤佳。杏似梅子。差小。別有銀杏。卽本草白果。一名鴨腳子。桃有數種。分紅白二色。別種櫻桃。核桃。櫻桃亦名金桃。色紅似瓔珞。核桃亦曰胡桃。狀如雞心而大。邑不多有。李皮青者早熟。紫赤者先後不齊。別種實如櫻桃。名曰菓李。棗分大小二種。小棗叢生。亦曰槭棘梨。有紫白數種。熟最遲者白梨。味甘而酢。亦曰雪梨。別有棠梨。實如小棟子。可食。柿有大小二種。小者名丁香柿。栗大者曰板栗。小者茅栗。一種實銳曰錐栗。亦曰旋栗。橘小。

者曰金錢橘。初生色青，亦名盧橘。又有牛乳橘。橘類之最大者，則曰香椽。柚似橘，實酢。柑似橘而大，俗名橘紅。又一種藤本，生十二月熟，別種曰佛手柑，亦可漬食。橙樹似橘，有刺，實似柚而香，心紅白不一。石櫛種出安石國，益養亦有花實。枇杷冬花春實，夏熟。林檎一名來禽，俗曰花紅。木瓜木本曰香木瓜，入藥品。一種藤本，實如稱錘，以其子擣汁入水成膠。一種無子，不可食。蒲萄一名馬乳，種出大宛。蓮實分紅白二種。慈姑一作茨菰，一名勃薺，亦有野生者，無花果狀。

邵陽縣鄉土志

卷四

地理

物產

堯

如小梨，亦謂之木饅頭。佛書謂之優曇鉢。落花生根自花出，入土即生。竹屬有南竹、淡竹、筍竹、綿竹。苦竹、紫竹、斑竹、箬竹、方竹、觀音竹、月月竹、實心竹、各物、南竹，俗曰苗竹。竹之大者，其用甚廣。淡竹，一曰水竹，叢生細密，入藥品。筍竹，俗作桂竹。綿竹，俗呼皮竹。筒竹，又名鳳尾竹，質薄而韌，可爲舟纜。苦竹，節長尺許，初生味苦。紫竹，黯色黝然，可爲籥管。今俗稱黑竹。斑竹，有黑點，俗呼麻竹。箬竹，卽箭筍竹，其葉可作船篷。雨笠，細小者，筆工取以爲管。方竹，四方有稜，大者

可杖。觀音竹。形細小而卑。月月竹。四時並生。實心竹。中不虛者。他如南天竹。多益養之。謂可避火。結實如珊瑚。本非竹類。

穀屬。有稻。梁。麥。菽。麻。蕒。苡。各物。

稻分秈稷二種。秈之類。米長色白味甘。甲於諸稻。曰銀根黏。紅殼白米。曰金包銀。米白遲熟。曰隴裏黏。又名過冬黏。殼米俱紅。宜於高田。曰蓋茅黏。又有大穀。蚤思南蚤。江西蚤。銅仁黏。鐵莖黏。火燒黏。芥菜黏。諸名。稷之類。殼紅米白。柔膩。甲於諸稷。曰泡穀。糯。米殼俱白。曰桂陽糯。米殼俱紅。曰蝦公糯。米白微長。曰油。

邵陽縣鄉土志

卷四

地理

物產

卒

麻。糯。又有金線稷。蓋茅。糯。黑糯。響糯。矮糯。等名。又有陸稻。曰乾禾。方言江南呼秈爲秬。秬卽說文之糠稻。不黏者也。今俗謂不黏者爲黏。而以黏者爲糯。此古今稱謂之別。梁。高粱。農書所謂黃梁。白梁。赤梁。是也。說文。稌。糜也。卽此。其種類爲黍。爲稷。爲稂。稂亦名龍爪稷。一曰蘆稌。又曰荻梁。釋本草。楚人謂之稷。關中謂之糜。大抵因俗名之。稷。黍。皆有秈糯二種。糯者亦謂之秬。又一種曰玉蜀黍。苗上別出一包。又名苞穀。亦名玉米。菽。爾雅。翼豆之總名。說文作尗。其種類有

黃豆菜豆黑豆青豆冬豆最大者名蠶豆粒小蔓生
宜高原者曰滾豆色紅粒大者曰硃砂豆又一種藟
豆俗呼蛾眉豆一曰刀豆莢長盈尺者豇豆俗名豆
角皆入蔬品麻爾雅翼有實曰苴無實曰枲枲卽勃
麻可績苴俗呼芝麻有黑白二種色白粒大者曰油
麻本草胡麻亦名巨勝李時珍云大麻亦曰黃麻則
今火麻是薏苡葉似黍其仁色白微圓本草綱目入
之穀部

瓠瓜苦瓜甘瓜茄瓜各物東瓜一作冬瓜一名地芝

邵陽縣鄉土志

卷四

地理

物產

空

齊民要術載以冬種今皆夏種秋收南瓜一曰番瓜
色黃味甘種出交廣長如枕者俗呼枕頭瓜西瓜一
名水芝一種瓢多子少一種瓢少子多越瓜俗名菜
瓜亦稱花瓜王瓜本草云胡瓜西域種今俗名寸金
瓜爲胡瓜王瓜自早見月令布瓜俗名絲瓜亦曰綫
瓜瓠瓜亦曰白瓜別種形如壺口細頸短腹名曰胡
盧可作酒器苦瓜色白贅起如泡大者盈尺甘瓜俗
曰甜瓜或曰蜜筍茄瓜有紫白青三種種出暹羅

蔬屬有菘芥蘆菹萹冬萹韭葱蒜薤芋藕芹葵藿

薇蕨筍菌蘆藟椒荇菘蓬菠蓀藟藟蓬蒿同蒿蒿芭
苜蓿木耳繁縷百合紫蘇各物菘俗呼白菜種來自
長沙縣地開一二歲便須易之否則卽變芥菜芥有
青紫白三種別種有春不老之名蘆菔俗呼蘿蔔能
解火毒卽諸葛菜蔬菜之最佳者種數曰得雨卽生
四時俱有葉與莖根皆可食有別種色赤大如指頭
曰胡蘿蔔莧有赤白斑三種別種曰馬齒莧味酸少
食冬莧葉莖俱似戎葵秋種冬食入春益茂韭有山
韭水韭二種家種者可生啖葱有冬春二種別種曰

邵陽縣鄉土志

卷四

地理

物產

下
空

胡葱蒜有大小二種小者曰卵蒜卽今獨瓣蒜薤一
作齏俗名晶頭有赤白二種一種山薤俗呼野晶芋
一曰蹲鴟有水旱二種又一種土芋名黃獨一種羅
漢芋磨漿煮食名磨芋亦名鬼芋藕一作藕其生應
月遇閏則增一節芹一曰楚葵有紫白二種水陸均
產葵有紫莖白莖二種葉小者爲鴨腳葵別有大者
蜀葵惟子可食一稱向日葵藿說文豆之葉也或謂
卽豌豆苗蕨有水陸二種山蕨苗可食根可粉初生
形似鼈腳故曰鼈蕨薇蕨之大者一名野豌豆亦曰

元修菜筍地中冬筍最佳就火乾之俗曰玉蘭片菌地蕈也亦曰燠厨或有毒宜慎蘊一作薑禦寒之菜味辛辣藷一名山藥大者俗曰腳板藷一種長大數倍曰椿藷可生啖者曰涼藷味甘者曰番藷或白或紅近更多種洋藷椒一名花椒一種山胡椒氣味辛烈能解百毒街市所售胡椒土產未有荇俗名地菜野生菘蓬一曰甜菜俗稱飯匙菜菠薐種出西域俗名菠菜亦曰赤根菜藝臺俗稱油菜一名臺芥種出西域雲臺城蓬蒿藜似蓬名蓬蒿莖紅一名紅藿凡

邵陽縣鄉土志

卷四

地理

物產

三

蒿類多野生分青白二種或遇饑饉多採爲羹同蒿形氣同蓬蒿故名蒿苣卽所謂蓼結臺者曰蒿筍苣菹俗稱水耳菜種出西域木耳產於枯樹一種地耳名地踏菰一種石耳生石厓上繁縷俗名鷺腸菜野生百合一名蒜頭藷紫蘇俗曰雞蘇荏類色紫氣芳花屬有蠟梅牡丹芍藥蘭桂蓮菊芸紫荊海棠瑞香迎春木筆木蘭碧桃梔子躑躅紫薇薔薇繡毬木槿鳳仙荼蘼薜荔玫瑰玉簪宜男燕脂菘葵雞冠牌樓竹節月季金錢蛺蝶木芙蓉玉芙蓉千日紅雁

來紅羊躑躅。老年各物。蠟梅。色白而黃。與梅同時。牡丹花大如蓮。紅白二種。芍藥亦分赤白。楚辭謂之留夷。蘭一莖一花者。蘭一莖數花者。蕙。桂有丹黃白數種。一種名月月桂。蓮未發爲菡萏。既發爲芙蓉。今通稱蓮。愛蓮池。千葉蓮。周子所植。疊瓣重樓。尤爲異種。菊。說文作鞠。謂日精也。芸。今日曰七里香。紫荊有赤白紫諸種。海棠有垂絲鐵梗。西府諸種。別種秋海棠。名八月春。瑞香開最先。一名睡香。迎春。卽合歡。狀如瑞香。木筆。卽辛夷。苞狀如筆。木蘭。花內白外紫。亦名

邵陽縣鄉土志

卷四

地理

物產

六

杜蘭。別種曰魚子蘭。碧桃無實。實則爲瑞。別種曰夾竹桃。梔子。實似訶子。佛書稱薝蔔花。躑躅。俗曰杜鵑。花一名映山紅。紫薇。俗名癢樹。花色淺紅。細碎而繁。薔薇有五色。一名牛棘。別種野薔薇。花單瓣而香。繡毬。分紫白二種。一名粉團花。木槿有紅白二種。可食。俗名飯蓋花。鳳仙。卽指甲花。子熟。觸之卽開。俗呼急性子。荼蘼有紅白諸色。花色似酒。因名酴醾。薜荔。一名長春。緣牆及樹木而生。花細白有香。玫瑰。一名徘徊花。類薔薇。紫色有香。玉簪。一名白鶴仙。紫色者曰

紫鶴宜男卽萱草亦名忘憂萱一作葳本作蕙燕脂
多淺紅色子可爲粉茱萸卽荆葵俗名一丈紅雞冠
以形似名一曰五色菟牌樓花重疊狀如牌樓竹節
花莖如竹節高不盈尺著花細碎月季花一名四季
花俗呼月月紅一種純白金錢花卽旋覆花一名鼓
子花蛺蝶花形如蝶有灰赤二種木芙蓉一名拒霜
一種日夜數色名醉芙蓉玉芙蓉卽素馨花亦名六
月白千日紅頗似野菊耐久一種白色雁來紅葉經
秋深紅色俗亦曰一丈紅羊躑躅俗名老蟲花亦呼
邵陽縣鄉土志

卷四

地理

物產

五

臭牡丹老年亦名老來紅亦稱十樣錦 草屬

有藻蒲苔萍藍茜苳臺茅菅菘蓬煙猶書帶吉祥杜
蘅虎耳曲節酸漿馬鞭薊孽七星景天瓦松虎鬚龍
鬚鳳尾狗尾泉耳魚眼星子烏韭四季青各物藻說
文作藻生水底一種曰魚絲一種曰牛尾蒲葉青似
劍一種石菖蒲盆養開化苔說文作苔一名水衣水
土潤氣所生萍一作萍有紅白二種楊花入水生藍
說文染青草也亦可作澱茜俗名過山龍可以染絳
此可以染紫臺夫須也卽莎草俗名窮葉可爲笠茅

有赤白二色。一種單葉上豎名獨腳茅。管似茅。澤滑無毛。一曰白華菜。王芻俗名鴨腳莎。一名竹葉菜。蓬叢生。一本五六十莖。其末可爲帚。煙。一名淡巴菰。種一出呂宋。猶水邊草。一名軒子。書帶。一名秀墩草。垂如馬鬣。吉祥。葉似蘭而柔。經冬不凋。杜蘅。葉似葵。形如馬蹄。故曰馬蹄香。虎耳。一名石荷葉。治耳創效。曲節。一名六月霜。俗呼佛指甲。酸漿。俗作燈籠草。亦名老鴉酸。馬鞭。一名龍牙。節生紫花。薊。有毛。黏人衣。七星。一名石蘭。俗呼骨牌草。景天。本草一名避火。益養。

邵陽縣鄉土志

卷四

地理

物產

突

置屋脊。云避火災。瓦松。生屋上。似野蒿。虎鬚。卽燈心草。龍鬚。特長。方稜。與虎鬚草同。可爲席。鳳尾。一名金星草。象耳。一名鼠耳。卽卷耳。可以染絳。狗尾。卽莠。是。一名光明草。魚眼。生洲上。實如魚目。可食。星子。葉小而圓。可治湯火。烏韭。昔邪也。在屋曰昔邪。在牆曰垣衣。四季青。葉類菖蒲而小。藥屬。有元參。玉竹。參。

苦參。黃精。枸杞。當歸。茯苓。豨苓。兔絲。杜仲。金櫻。忍冬。款冬。薄荷。烏藥。香薷。荆芥。木通。香附。牛膝。桔梗。茱萸。夏枯。車前。枳殼。柴胡。芎藭。澤蔞。瓠瓢。藁本。茵陳。蒺藜。

牛蒡乾葛穀精地錢紫葳寄生貫眾木賊木鼈黃檗
蒼耳卷柏茺蔚南星英明薺麻艾朮戩麥門冬骨碎
補牽牛子劉寄奴水甘草何首烏白頭翁五加皮龍
膽草蒲公英丁公藤馬兜鈴鷲不食草各物元參莖
有節葉類芍藥苦參葉似槐根味苦玉竹參一名葳
蕤又名女蕤近穀皮洞多產此黃精本草根如嫩生
薑枸杞子紅色根名地骨皮當歸葉似芍藥名土當
歸茯苓生松根有心者名茯神別種土茯苓卽土萆
薢似卵連綴而生豨薟似蒼耳亦似地菘兔絲一名

邵陽縣鄉土志

卷四

地理

物產

七

女蘿緣木而生杜仲取皮析之中有白絲金櫻花類
薔薇而大有刺一名山石榴忍冬一名金銀花款冬
以其凌冬故名薄荷根似紫蘇葉異烏藥根如芍藥
或黃或紅香薷蘇之別種荆芥亦蘇類木通其莖空
中有白瓢香附生於莎草根下其根有鬚鬚下結子
亦名雀頭香牛膝根直下生有節分紅白二種桔梗
葉名隱忍一曰犁如茱萸一名越椒子聚生成房夏
枯草冬至後生夏至後枯車前草卽茺菖俗呼蝦蟆
筋枳殼色黃紫嫩青者爲枳實柴胡分紅白二種芎

窮生川澤中狀如蛇床一名麋蕪澤蔦生淺水中葉如牛舌瓠瓢其根爲天花粉別種苦瓠瓢則實如西瓜熟作黃金色藁本狀如江蘼茵陳一名馬矢蒿蒺藜俗名刺蒺藜牛蒡一名大力子俗採其實搗汁冷淘當暑食之曰涼粉乾葛花與粉同功穀精草收穀後荒田中有之地錢葉圓似錢蔓生紫葳亦名凌霄蔓生花或黃或赤寄生桑生杉生者良貫眾一名貫節又謂之草鴟頭木賊俗呼筆筒草以擦木雖堅能入木髓種子土中取雌雄相配一名馬錢子黃檗實

邵陽縣鄉土志

卷四

地理

物產

六

如石榴皮黃而苦俗譌黃柏蒼耳葉類茄俗名羊矢草卷柏一名萬年松莞蔚子名益母南星一名虎掌英明一名羊躑躅俗呼青箱子蕪麻子如牛蠅艾莖苗葉俱類蒿朮生平地者名薊生山中者名朮有蒼朮白朮二種藪一名魚腥草葉似荇三角麥門冬一名禹餘糧葉銳長如韭根鬚連結一種藤本一莖數十枚名天門冬骨碎補一名石菴藺俗謂之石板薑牽牛子花似金鈴有黑白二種劉寄奴一莖直上葉類秋菊水甘草卽楊柳何首烏葉圓根如土茯苓而

大白頭翁一名野丈人近根處有白茸五加皮五葉
交加仙經一名金鹽龍膽草苗高尺許花類牽牛狀
如鐸蒲公英今地丁也有黃花白花紫花三種丁公
藤一名石柎藤紫綠色一葉一節貼樹根處有小瘤
馬兜鈴蔓生附木結實圓而長葉脫實垂如鈴中有
子似榆莢鵝不食草俗名銅錢草又曰毛蠟燭以上
植物畧舉大概如是餘種類所不能
辨及有俗稱莫詳本名者不具列

礦物之類

邑舊以產煤鐵著金銀銅錫寂寂鮮聞近

自中外通商廣求地利鑛質乃日漸呈露然邑人久
邵陽縣鄉土志 卷四 地理 物產 完
安耕鑿別無希冀蓋亦不識不知忘帝力何有未思
竭澤而漁也今亦但能舉其大概總括言之於此

煤分鐵煤柴煤柴煤出西南鄉梅州上下各區性
粘糯無烟力小僅供圍爐烹煮飲食用城內外商店
居民用之鐵煤煙重力厚東鄉產之特多羶帽嶺一
帶亦間有無煙者質似鐵煤性更持久舊日鐵煤銷
售湖北漢口分達河南皖鄂號稱佳品中以劉滿四
樟樹灣白馬田爲最劉滿四當白嶺砦處地以人名
樟樹灣雖濱邵水實未產煤特鄰近青螺園白芷塘

黃木塘粗山嶺等處有炭。皆由此入河。名因以顯。白馬田距城近。環左右四周。昔皆出炭。今諸處炭質已空。初爲平地取炭。窰次爲隔水窰。繼已起馬口窰。馬口窰者。明知老窰之水在此。用漑田水車車之。亦有用竹筒者。車淨諸水。挖取最下一層。今亦已智力俱窮。多折本不貲。非特本地鄉商受虧。集股用機器如公司。亦頗以水溢耗本歇業焉。鐵分生鐵熟鐵。

四鄉並有。生鐵取石中鐵鑛。用大爐甑爐以炭煅之。既鎔。取純淨鐵汁。融爲方板圓板。內有柴銑煤銑之。

邵陽縣鄉土志

卷四

地理

物產

七

名柴銑。係以松樹炭煅化。煤銑。係以燒煤枯炭煅化。二者以爲鑄鍋鑄鼎鑄鐘磬。及耕田犁頭。及各器之蓋之用。鑄鍋但宜柴炭。鼎及鐘磬犁頭。則用枯煤炭。熟鐵自己成方板圓板。用椎加火鍊之。或爲它鐵。或爲條鐵。二者以供刀矛及凡什物所需。縣內產鐵開冶之區。舊推東鄉金仙鋪。東茅衝。斷頭坪。三勝廟。九龍嶺。南鄉酈家坪。粟家坪。西鄉灘頭。六都砦。北鄉右溪灣。各處。今則已多改易。已多停業。或竟久停。未再興工。未再鼓鑄。銅錫爲用。略等於鐵。邵陽舊無。

銅廠錫廠銅鑛錫鑛因並未詳道光寶慶府志卷第
八十六戶書四亦云青赤二金古今罕產此姑從闕

五金以黃金爲上白金次之宋史朱壽昌傳載
仁宗時或言邵州可置冶采金唐通典載邵陽郡歲
貢銀二十四兩宋九域志載邵陽土貢銀十兩是金
銀之產在唐宋已有明文金分金鑛金沙金鑛蘊於
石與鐵鑛略同邵陽產金之山頗推東鄉黃帝嶺卽
耶薑山然近時集費採取頗聞以虧折罷工金沙藏
於水西鄉隆回都辰溪水濱頗見居民用器淘取與

邵陽縣鄉土志

卷四

地理

物產

七

川省大江濱土人淘金不異然亦所獲至微業此者
亦甚寥寥銀鑛以向非設有銀場山難實核其可知

者隆回四都周湖坳

鄉稱株木坳

地曰銀坑頗係產銀路

側豎有石碑前後官吏已疊出示封禁由西平都入

三溪當三西坳旁其處有銀錄術

或曰銀路

土人謂昔有

銀今錫鑛

錫亦作砒

之產大概多在龍山一帶曰嶽平峯

曰寶塔坪曰楓樹塘

俗作楓樹丞

曰青山界曰李家衝曰

貓公洞

俗訛茅岡洞

曰淘金橋雪茅嶺皆各興工採辦者

內以寶塔坪處所獲爲優縣境各鄉近頗爭用辨識

以尙非確有定產不具列。

以上物產各類均係縣地常產。縣中天然之產其非常產及需人製造者各物之下或間埵及或未之及太抵縣俗質樸製造祇求適於日用鮮精良品如動物牛馬羊豕之類牛羊毛但爲粗重氈毯諸骨角但爲尋常器物植物如竹木之類竹雖爲筐爲篚木雖爲几案爲宮室鑛物如銅鐵之類銅雖爲鎖鑰爲盤盂鐵雖爲鼎釜爲刀斧並屬淺拙不尙巧好近日竹有製爲反面製爲方形以售竹器名者苧蔴織爲帳

邵陽縣鄉土志

卷四

地理

物產

圭

料以冷布名者他處頗以爲工然亦不數數觀非大宗也物產大宗自穀米外煤與鐵較夥紙次之澁別漆與油茶毛貨又次之地不愛寶刻尙蘊藏有待

未能與他望邑比論

埵邵陽田地塘糧米稅課諸數

國初沿明制田七千七百五十頃四十四畝有奇內上田三千二百六十三頃十六畝零中田三千七百三十七頃十一畝零下田七百五十頃十六畝零地一百四十六頃五十畝有奇塘五百九十二頃九畝有

奇。內魚塘一百四頃八十五畝零。水塘四百八十頃二十四畝零。

康熙雍正乾隆三朝迭有丈量開墾。康熙五年丈量

頃四十六畝零。三十年征田地塘四百一十頃一十五畝零。雍正六年報墾下田一十一頃五十六畝零。十二年報墾下田三十頃三十一畝零。乾隆二年報墾下田二畝零。十七年報墾下田三十五畝零。都

計田地塘九千三十四頃九十三畝有奇。夏秋稅米

二萬四十三石有奇。存米徵銀一萬六千四十一兩

有奇。內上田每畝徵秋糧米三升中二升下一升一

勺。夏稅三勺九抄三圭二粒九粟。每畝科桑絲五分

四釐零。該絲五十筋四兩零。原係秋糧內帶派。魚

邵陽縣鄉土志

卷四 地理 物產 三

熙後新增田稅米六百九十石零。每石折銀八錢三

屯田都計九百八十二頃九畝有奇。征米三千三百

九十八石有奇。折銀三千六百四兩有奇。舊制屯田

七頃二十五畝零。康熙三十年丈增田六頃五十六

畝零。雍正七年由開泰衛歸併五十八頃二十六畝

零。始為九百八十二頃九畝有奇。明制屯田十畝

徵米一石。順治五年詔每石徵銀三錢九分。詔準民

田三等輸納。衛守備某憊不更事。誤以屯田一石準

民糧輸銀七錢零。上聞由是屯糧倍重。乾隆初改依

民田上賦。每畝征米三升三合。計減去米六千四百

二十二石零。計銀三千八百六十二兩零。其舊屬五

開衛者。畝仍征米一斗。計折銀三分三釐。共征米三

千三百九十八石零。折銀三千六百四兩零。

其他雜稅曰漁課。征銀四兩。閏月加曰門攤酒醋椒

課征銀六兩。閏月加一錢內一兩六已入生銅稅征

銀四兩。京損銀三分閏月加三錢熟銅征銀九兩。京損銀八分閏月加八錢生

鐵征銀七兩。京損銀六分閏月加八錢熟鐵征銀七兩。京損銀同生漆

征銀十一兩。京損銀一錢閏月加一兩銀硃征銀五兩。京損銀四分閏月加

六錢綫膠征銀五兩。京損銀五分閏月加六錢又地基

銀十二兩八錢。舊屋二百七十一間久毀賃民修屋租銀八兩康熙六年續增四兩八錢

典商物稅銀二十兩茶七引引征銀一兩鹽一萬四

千九百八十八引引征銀四分。乾隆舊額八千八百九十引此則

皆取之商賈者餘詳舊志。

邵陽縣鄉土志 卷四 地理 商務 壽

商務

邵陽當省會西南相距約五百里由省治至縣者水路

至湘潭及湘鄉之永豐市諸貨即須起岸永豐據測

水兩岸水狹而陡稍不降雨諸貨即難刻期到由永

豐至縣城陸路一百八十里轉運特艱白洞庭湖湖

資水上者其舟直抵縣城縣內諸商運貨上自武岡

暨新甯暨廣西合浦坪下越洞庭達湖北漢口鎮水

運較便惟資水在邵陽新化多係山河銅柱青溪諸

灘極險古所謂茱萸三百里灘也商運仍屬不易又

自明季以後入滇黔驛程改由常德辰州縣不當往來孔道商務因之色減今就目前貿易諸端略分出境入境及在本境銷售之貨條系於左

出境之貨

煤自舟運抵漢口售其舟有毛板搖櫓

撐駕諸船名搖櫓船與撐駕船較堅穩毛板船用松木爲之製頗易炭既售卽在鄂漢變賣俗以雞鴨蛋殼比之然運炭仍此舟最多也煤出縣地由漢口分售河南安徽各處多取以供鐵工用間亦爲輪船及機器局所購昔時成本輕獲利厚一商號有做至百餘舟者近雖炭價稍昂銷售稍易反不及昔時之盛每歲自縣出境舟大小約千隻內外不等

鐵鑛

邵陽縣鄉土志

卷四

地理

商務

七

生鐵板無出境者出境之鐵它鐵多由縣城資水運往漢口鋼條多由永豐測水運往省城鐵鍋薄厚兩種多由新甯舊扶彝水運往廣西鐵釘或由水運或由陸挑分售鄰府鄰省尤眾縣眾在各埠岸業鐵貨爲生涯者最夥

錫鑛開採未久或在省局售銷或在漢口上海售銷茲姑從略

紙分黃白藍紅諸色多係以竹爲之初取嫩竹斬伐成片入以石灰浸於池內使之日軟日化然後以法

漸令爲紙。縣地如東鄉龍山中鄉西鄉灘頭隆回產竹最繁。造紙因眾。在龍山者多由漣水入湘達省。在中鄉黃帝嶺大雲山者多由蒸水抵衡州。或再入湘達省。在灘頭三門石山者多由陸路肩至縣城。再由資入洞庭大江。以達於漢口湖北。此紙產爲縣商務一大宗也。自用竹造紙以外。亦有以稻草爲最粗紙者。亦有以皮葉樹爲皮紙者。皮葉樹卽所謂穀木。產並不多。縣雖出紙不及外省江西福建精好。故上品紙張仍多自外地至。毛貨卽各獸皮貨。邵陽四

邵陽縣鄉土志

卷四

地理

商務

美

境叢山峻嶺錯峙。獸因以聚。售於各處。頗屬銷暢者。內分狐獾麀鹿獺五種。狐皮不及西北方之輕。質能經久。獾卽貉。北人稱曰南狐。甚以爲美。獺視麀鹿特珍。色分烏獺黃獺。餘獸皮毛非外方所重。不列。

靛漆皆出縣西北鄉隆回各都。漆較靛產爲夥。靛以染成各色布疋。漆飾各器。光采動目。銷售自廣。縣城業靛生理者不減業漆。以多來自武岡洞口各地。故隆回產靛終不如漆。油有茶油茶油桐油麻油花生油之別。麻油以芝麻子爲之。性最佳。出不廣。桐

油以桐樹實爲之。烟重，可以製墨。夜用然燈，照人頗能經久。菜油以油菜子爲之，宜然燈，可煎久。煮菜油，菜卽蕶臺菜也。茶油以山楂子爲之，便於食用，劣於麻油。優於桐油。西鄉產此特眾。花生油以落花生爲之。今其行於外省，甚爲暢銷。桐易生長，又易結子，與椶並切。人生日用，俗有千椶萬桐，永世不窮之諺。此外茶葉各鄉多產。東鄉茶岡嶺水東江一帶尤眾。爲茶箱售於洋人者，則概由湘鄉永豐市楊家灘二處購買。另製縣內出境之貨，雖係平常，惟刊板書籍，日增日眾，實多足本善本。實甲海內，此其遠勝於昔有足多者。

邵陽縣鄉土志

卷四

地理

商務

志

人境之貨

衣服各物，綢緞自江浙至。夏葛自瀏陽醴陵至。棉花自湖北至。洋布自上海及湖北織造局至。羊裘自北直山陝諸處至。縣雖產桑，未解成絲機杼之法。杭綢甯緞湖縐，今市店所售者，皆江蘇浙江產也。棉花來自湖北最多。洋布竹布，率皆從上海運至。湘潭再行入邵，或由漢口徑達縣城。湖北織造官布，近始有之。瀏陽醴陵長沙府屬縣，相距匪遙。夏布

葛布縣所無。皆自彼來。羔皮羊裘。分北口西口北口。自直隸來。西口自山西陝西諸省來。飲食各物。

蘇酒紹酒來自江浙。汾酒來自山西。縣所用多漢口土作。火腿來自金華。魚翅海參墨魚鱔魚來自浙閩。饅食來自兩粵。細製點心來自嘉興湖州。尙茶來自全州六尚。芽茶或自龍井武彝帶至。條絲煙品來自福建。藥材則多來自江西。人參鹿茸則多來自關東。肉桂則多來自雲南蒙自。習用諸物。湖筆徽墨。

出自安徽。端硯出自廣東肇慶。洋板書籍圖畫出自

邵陽縣鄉土志

卷四

地理

商務

七

上海。或購自東西兩洋。團扇摺扇。出自蘇州杭州。蒲扇出自廣東。磁器出自江西。羅經多徽州人製。鐘表多外洋人製。眼鏡玻璃多廣州蘇州人製。藤几藤牀亦並自廣東人售到。此其眾見可指數者。

本境銷售之貨

飲食各物。稻米雞鴨魚蔬羊豕。不

具論。酒有水酒火酒之別。水酒蒸米成酒。以水浸之。濃老者性能發表禦寒。陳至數十年百餘年者。尤能愈疾。他處鮮有此酒。火酒以火烤出氣水。自儲水鍋滴下。性最沈寒。久食多敗脾胃。大燒酒以雜糧爲之。

味更烈。他如包穀紅諸，亦可作酒。餠有餠，打餠麻
餠之別，皆用穀米甚夥。餠純用穀芽熬成，打餠加
入鹹水，色因變白。麻餠用米熬之，參入芝麻，成小花
點。他處或卽呼曰花餠。他如橙實、東瓜、南瓜、茄瓜，亦
可爲餠。餠有月餅、芝麻餅、大餅、雙餅之別，皆用麵灰
爲之者。粉有米粉、菜豆粉、紅薯粉、包穀粉之別。白米
粉外，菜豆粉最佳。麵獨以麥爲之，殊不及夔州、麵河
南、麵佳。煙有旱菸、水煙之別。旱菸以西平、都陡嶺產
者爲善。水煙卽用旱菸鉋而成之。煙無益於人。近時
邵陽縣鄉土志

卷四

地理

商務

堯

嗜者頗眾。

衣服各物。縣舊產木棉，稱曰山花色。

黃而溫，遠勝他處所產。後頗喜種湖花，近更多種洋
花，以織爲布。山花最上，湖花次之，洋花最下。縣境老
幼農工諸人，多服此布，名曰大布，絲不多見。尙間有
之。桑葉盛時，飼蠶使之依樣吐絲，縫以爲衣，或卽作
被，皆溫甚，宜於高年。麻有苧麻、火麻之別。火麻但可
爲繩，苧麻可爲繩、綫，可織爲帳，可織爲布，性堅耐久，
其用甚廣。習用各物，樹木如杉，小者爲桁條，爲
樓楸，稍大者爲屋柱，最大者取爲棺槨，爲船桅，器用

所需杉木最夥。牀箱几桌。欲其經久堅實。始多用雜木。松在乾處易蟻。頗須擇地用之。邵陽從前山木繁盛。各鄉造宅。不俟遠求。近則非購自郡城木商。不能爲之矣。山林之禁宜修。誠未可緩。竹造紙外。爲篩爲籃。爲箱爲籬。爲篲爲箕。爲農家晒穀竹簞。爲漁人入水筏舟。縣內自木工外。習竹篾爲業者。頗亦不少。陶人瓦器。出東鄉牌子窰諸處。酒甕盆鉢之屬。形甚粗陋。匪獨不及江西景德鎮之善。亦遠不如湘水靖港諸窰之製。然其質係土爲貯物。可以經久。儲肴饌亦可。逾夜不敗。較之鐵與錫銅諸器所爲。反更遠勝。是其適用。不僅在於儉也。白蠟黃蠟兩種。白蠟出自蠟樹。蠟蟲所成。黃蠟係蜂釀蜜。餈渣滓。二物間運出境。本處用之。亦屬不少。此外鐵工銅匠石工染人之類。所成亦商務中事。不悉錄。

邵陽縣鄉土志

卷四

地理

商務

平

邵陽縣鄉土志

卷四終